

壽

龍眠風雅卷四十一目錄

木厓潘 江蜀藻輯

采石張 仇文靜 叅

同里左之杜注我

光廷瑞 十九首

袁廷憲 四首

吳日永 五十七首

方思 三十首

姚式過 一首

姚

龍眠風雅卷四十一

木垕潘江蜀藻輯

吳日永

字南蒼大廷尉玉華公之家孫也童髻入鄉

不約十不嘗病儒著不哭盛巳手其之
少觀篇果累臥自如啻唐刻錄什萬
輟函不則書床期史論等今諸昇昇稿九
雖史盡又若蔀床而論身采名元一于
家席上下止倍惟猶惜史斷富詩家閣帙
豐編予有他故不果明日則倍之明
厚粥粥善下弗異單寒會與予
政漁經歲乃竣南蒼日程入
中藥盃詩筒充物雜錯迨
移日併夜奮然欲以古通
不永也卒時纔二十有四所
樂府變諸遺稿十五種已
與陳子二如各為百二十韻
所作邊紀詩金陵懷古及擬
炙人口者皆不可得併其
之矣曩從友人家得南蒼
子旦中而別存副墨今錄
堦葉子旦中而別存副墨今錄
下有餘盡焉窵身足盡表揚
其下

效鮑昭體爲行路難十八首

前設西園之賓客後擁南威之美人奉君紛紜之羽觴
席坐錯落之文茵華堂歲宴月欲墮高臺四面饒風塵
銀箭金壺莫相促試聽賤子歌苦辛不見雍門動徽軫
孟嘗涕泣眉不伸

我有青銅美明鏡獲自秦氏在咸陽上有纏綿龍虎文
携上妝臺安畫閣遂令妍醜一朝分拂以水晶之玉塵
襲以交鸞之素纁如使顏色暗中改豈不掩歎傷羅裙
湖水茫茫湖烟薄落花燕子相寂莫其中有女字莫愁
胡爲緘愁眉妝閣春風東來絲管燥強起晴窓弄絃索
但見十五誰家子遊戲洲渚自相若女兒本自嬌無力

况乃離憂久束縛

應龍無尺木俛首沈淵鱗甲乖人生未得勢文章節義
安所施我心何鬱陶乘春二月觀江潮功名富貴雖自
有目下已難安寂寥

可憐墻上花隨風輕薄入倡家可憐水上萍本生在清
渭乃流至濁涇今我不樂思龍眠天未匏繫不能還金
陵青山似洛陽峰嶺曖昧生雲烟錦江雖好非吾土會
稽孤棲倍黯然終歲拘束無所事安知拔起當何年
夜中慘不樂強坐披衣攬帷幄少年意欲凌雲翔不覺
胸中懷五岳長風送遠聲何處吹清角我亦慣起舞臨
流弄長槳入市夷塵襟還家進春爵讀書擊劔宜此時

吾獨何爲在泥濁

情思不自慰散髮游河梁遠顧濟水人漸車寒帷裳白
波渺湯湯中有好鳥雙鴛鴦曾向青陵冢上翔至今顧
顧還相逐不願孤飛羽翼傷三步一啄匹不亂寧羨南
山配鳳凰嘉此雌雄耿介之禽鳥使我感觸動中腸
中庭種胭脂枝枝顏色鮮秋風吹到闌干下一日二日
花黯然東家少婦罷針刺采采盈把心如醉我有膏沐
誰爲容空復此花紛滿地縞帶布衣髮髮亂嫁時簪珥
置匣笥仰頭遠望三星明長袖紗窓徒掩淚

蛇米繞幽蘭幽蘭憔悴故不盛我昔專房侍君愛明星
曠日指爲盟日月保百年死生好惡莫相病昨夜新人

上華堂不覺冷我青銅鏡鏡中多歷白頭人敬奉新人
照妝靚

君不見見檐前金明枝菁葱不耐涼風吹人生年紀易流
邁四十五十徒爾爲頭上生繁霜安能秉燭行樂場
背齒載扶老日神情形影多飄揚却憶往昔盛時事至
今歷歷未曾忘如何一生空努力骨折月緩返北邙
君不見雄鷄憚人犧拔尾楚楚空含悲君不見海鳥聽
鐘鼓心神震宕增憂思羨君妙齡當韶年鳳蒸龍起方
及時世事悠悠不足論偉人吉士請無悶旨酒鮮服奉
我身一切安能亂方寸從此至壯以及老但願保我顏
色好那奈拘束爲腐儒人前蹙蹙傷懷抱

二月楊柳垂黃金五月梅子成酸心春季夏仲節迴換
蛾眉玉色空沈吟初言君行卽當返牽衣出送千花熱
至今不見雙飛燕袖裡無書空好音可憐淚下都爲血
誰念頭蓬不勝簪壁間塵封錦帳囊三年蠹蝕舞鸞妝
人生地上多拂意空中啼罷空歸房

天中璧月夜夜懸踈簾青簟隱翠鈿佳人宕子初結親
嬌情綺思凌青春韶光媚景不再申金彈拋脫家累貧
四壁那求赤刀錯五陵空怨綠珠輪帶劍擬欲出門去
但恐孤鷄常苦辛雙飛振六翮翱翔直去入西秦比翼
幸遠濁水泥萬里長浮清路塵逢我昔日游俠子三三
兩兩戲無倫閨中姊妹舊相識劫來相見還如新重整

盛年裝往返射獵猛虎過通津隴頭天水日夜流秉風
醉嘯西南樓丈夫憔悴非昔顏終是氣槩輕五侯千金
已散當復聚坐守生產懷百憂

君不見戍卒守黃河秋霜白髮嘆蹉跎奪得□馬馬欲
瘦騎上高原更荷戈閨中爺孃帷中婦歲歲相思奈若
何爲此愁人兮使我仰天拊膺發悲歌涕下如刻漏身
賤罹網羅男兒無爲慷慨懷壯志不如牧豕南山阿
君不見章華宮美人如花貌不同君不見銅雀臺西陵
歌舞紛相催筐粉錦瑟杳寂莫夜曷啞啞啼舊基王孫
加飯善自愛人生不在千金貴清歌流暢遣愁思開顏
且醉葡萄卮

君不見嶺上雲觸石起漫漫文采雖足眷變化百千端
富貴待何時但願無事保平安閒乘下澤御款段青衣
白髮游邯鄲

君不見庭梅欲作花含蕊結蒂春風先過時光華香澤
盡淒風苦雨來相煎成陰結實佳人采采罷枝頭倍愴
然

游子思故鄉不必多悲傷九州八埏渺無極何用卑栖
依此方吳山楚水洵可樂驅車行行跨襜褕短札有長
篇少事柔翰十餘年但抱胡琴彈大市何愁詞賦不賣
錢人生處處可留戀醉後揚揚信馬鞭

詠懷

六月時雨至涼風激陰岡遠壑噴龍泉迴谿飲虹光紫
莖叢石城丹葩亞女墻三旬居士室今始求衣裳時日
少潤澤蒸鑠遍下方吳山來瘴癘霜露易爲殃其霖盪
戾氣生民起翱翔我亦東渡河臨流弄滄浪安得青翰
舟掄袂水中央佳夕啓樽罍斗酒陳高堂豈敢湛暇豫
所願百穀穰農家富廩庾朝廟荐馨香

金礦旣已裂蒲牢遂發聲代馬依北立蜀鳥望西鳴漢
高都關中光武都洛城誰謂天子貴終從故國情止張
方飲酒復戶更弛征豈不願鄉里所求在太平背里離
丘墓相隔居神京日余辰不穀家室遭歎傾秣馬戒僕
夫委轡從南行心旌且結軫蓬驅爲縱橫紅日出東方

前驅風雅卷四十一
炤我柴與荆鷄犬相鳴吠眷念山田畊

倨牀行

漢高倨牀罵豎儒豎儒胆喪嘗嗟吁酈生陸賈氣益壯
亭亭直向軍中趨長者長揖不肯拜新語一上萬歲呼
却憐鯁生闇時務衰衣大袖徒區區若過山東遇沛公
徒然累死咸陽宮縱令強草傳城檄其奈難彎一石弓
不見置酒新豐市思彼猛士歌大風秦皇苛政已盡變
挾書律令還相同未央初成解鞍馬蕭曹猶在經營中
其後朝廷苦草略從容始見叔孫通自爾取士用射策
人對一事無不工所以兩漢多經濟立陳萬言言莫窮
制詔封奏著不朽有司奉行成大功值有災異下明問

金馬白虎能談空更舉明經方正季廉郎公車計偕至
上方半通一職雖小試自命儻稱昂藏累年不遷節
愈厲大臣保舉鮮咎殃卽如文士散逍遙頗善執戟遊
戲天子旁尚書筆札一時給當前屬草皆鴻章春秋講
論開辟雍太學諸生盡上堂奪席折角還解頤豈敢側
足溷宮墻大約十年一傳或一經揣摩簡練戒荒唐又
嘗閉戶澹聲譽四十五名始揚

秋聲四首

楓葉如平楚波痕復舊江劒寒金作錯酒熟玉爲缸月
令羞羣鳥風聞遠吠厖荆妃且莫嘆顏色本無雙

第草誰家地清風戒客遊水涼冰欲合

淮揚北去黃山
河九月成冰

老翠將收白馬嘶長棧蒼鷹擊戍樓高情如可炤秋日
正當頭

迷陽毋刺足足痛最傷心野鴨難飛上跳魚隱不深閉
關非得已謝客敢相侵妍雅吾遊倦光門渭水陰
入夏初能起西風病復妨惜非楚宋玉敢是漢張良白
日飛秋景青雲隔帝鄉晚來行藥地身相拂衣裳

爲陳二如催粧二首

梓瑟雙成器絲蘿兩不移秋深百子閣風入萬年枝夢
裏胭脂茜尊前起拜遲修髯兼白哲女婿舊相宜
飛鳳調新吹乘龍屬好郎迎親先俟著招我更由房明
月千金珮清風五夜香從來誇勝事陳子娶齊姜要齊氏

金陵懷古詩二首

海外湘林赭未休勞勞更欲鑿方州礪山雲氣偏難見
滄水神靈不可求秦樹吳烟疎雨隔青簾白舫夕陽秋
莫言地破蒙恬死此後君王共一丘秦淮水
陵谷千年恨未平秋來井上草縱橫貴人顏色甘泥土
天子恩情共死生隋尉不勞輕下石陳家還出繫長纓
可憐涓滴清清水照見胭脂片片明胭脂井

梅花

一樹梧桐隱客扉梅花下拂釣魚磯可憐作意侵人眼
不覺無心落我衣凍去幾時占氣色閒來一日泥光輝
黃昏對爾常清坐折蕊攀條事已非

境聲

此體

贈陳二如移家二首

淮水通城城北廻茅齋却向此中開門前車馬常稀過
屋上慈烏亦下來西漢人容揚子宅遼東俗愛邴原才
幽懷獨棄新亭樂往往遊經江上臺
一歲移家一載書幾年流落幾躊躇卑棲不得依場圃
高卧誰人到草廬消渴病回邛蜀久渾成詩入杜陵初
衣裳飲食粗能具供養堂前事有餘

卧病

促漏悠悠長夜聲茂陵風雨病中情寒侵廳事梅花瘦
人靜堦除瓦雀行弱骨漸隨衣帶減愁心焉識酒杯輕
可憐屈子徒訶璧天問從來問不明

八月望後三日過瓦官寺訪閣黎不遇是余舊讀

書處

綠遍琅玕久耐霜塵沙吹不到諸方舊懷鉛槧紛存案
新製袈裟冷挂房天竺先生何處去山中弟子儼成行
高臺百尺青雲滿梧葉空憐老鳳皇

問渡桃葉不遇

晝遊璿室指窮桑大乙舟分信渺茫雨歇芙蓉初帶冷
秋深桃葉不啻香傳書縱有魚銜字渡我愁無鵲駕梁
一尺盈盈勞隔望漢家何意築宣房

憶河上舊遊

橋枕清谿遠數巡六朝臺榭五陵春不收明鏡常留月

龍耳屏牙卷四十一
失却支磯枉問津夜射遊魚迷白水仰看飛雁隔清塵
吹簫換得王孫飯蘆葦蕭蕭中有人

神情詩

空致佳人李少君蘭芳鞠秀怨河汾浣紗錄贈青絲縷
行雨吹殘白練裙緘口只餘脂藥冷束腰不勝綺羅分
嗟予夢罷還成夢大海明珠聽尔焚

行藥坐水齋庵梧樹下移時有作

燈火蠅蛸網戶斜筋罷蹠坐作趺跏雙桐老去成雙樹
一鳥飛來供一花象外真珠藏領綠毫中樓閣隱幢紗
吳僧百歲稱清健白水爲齋不飯麻

病

雲裡仙人駕赤虬長生靈輒不予投細君脫珥能求肉
童子持衣勸具裘絡緯黃昏鳴不息飛虫清旦夢難收
昨聞唱得幽弁客徒羨康強復好遊

卽公偕史司馬來白下數日未晤書此志懷

望尔轅門咫尺餘裁成頓首不通書清宵夜夜聞鳴鳥
澤畔餐餐食鯉魚天上美人難識面雲中帝子獨愁予
閉關草盡千方檄豈暇嬉遊御小車

古意

東南日出照高樓白下羅敷是莫愁谿竹清冷傷著露
枯楊搖落恨先秋爐中夜燼長留暖篋裏殘膏不上梳
素腕殷勤趨廣陌只緣未識富平侯

與友人貰酒不醉倦歸書此

空羨楊家載酒舟無錢工數力堪羞
凄風冷墮鴛鴦瓦
淡月弦平鸛雀樓在座狂言俱莫聽
挑燈隱諫欲何投
琴心彈得清商調又見流雲變上頭

同光輯侯左夏子子永子周飲為玉寓中兼訂校

書之約二首

相逢縞紵即緇衣夜嘯翻驚鳥鵲飛
碧甕叩卽無作使
清樽河朔有光輝劉伶解醉還杯杓
沈約蕭條戒帶圍
嘉樹庭前霜薄葉金吾呼徹不曾歸

布衣先輩好論文唐稱秀才先輩把酒同予草練裙
詞客精靈

雖隔世江南圖書盡隨君校書辛苦劉中壘
奇字紛綸

揚子雲三篋若從山下購異時封禪上章聞

喜史中丞新擢南樞

謁罷鍾陵過五城上流波浪一時清
何勞別隊分城守
另有家兒當踐更朝選漸深三輔寄樞中
議發九江兵時有武昌會勦之議桐山舊滿轅門客
將次東來草治平

酬潘蜀藻見招之作

微雨來自永安宮春泥雜杏桃花紅
關門時學小兒泣
看劍徒悲季子窮却許相從出郊郭
不能強起到簾櫳
傍人錯認觀書史我已連朝筆研空

何武伯移居詩

種竹何妨更種瓜子孫清白不豪華
墻廻別室陳三瓦

前即...
宅帶澄潭號百花衣少至今憐阮籍書多空使累張華
羨君燕領封侯相未滅□□敢治家

沈巨源拜墓初回相逢因贈

交頤泣罷鼓隳號不駕牛車爾更勞表道幾年榮灌木
汎墳一日斬邪蒿衣裳陳設安靈爽笑語依稀夢鬱陶
堂上白華華正茂嚴親風雨賦離騷

內喻

持門健婦爾當求風雨鷄鳴解我憂厨下作羹先洗手
帷中鼓瑟罷搔頭朝廷亦念張京兆姬妾休誇郭細侯
六歲食貧貧不改明珠莫御上高樓

懷胡卽公二首

時將從史司馬至南都

鳴鳥嚶嚶舌已收夢中顏色落深秋潯陽王子猶衣布
燕趙佳人倦倚樓尺半鯉魚潛白水丈餘龍種跨方州
爾來盜飯吾先具七略篝燈細講求
勒石燕山班固才從軍王粲苦悲哀尊前揖客文非弱
河上飛書往復回華菊衣裳仍我舊芙蓉杯酒爲誰開
龍韋却憶同談席雪墮鷄鳴不下臺

萬里衣

敕敕臨窻不下機織成縑素剪腰圍十年久滯三邊戍
九月長傳萬里衣身手舊時思約莫霜風新月照霏微
何當破鏡飛天上馬足彈傷遠未歸

有感

貧賤窮愁不可論布衣蔬食舊王孫珊瑚鞭失難行路
金玉堂空只閉門白面仰天嗟有恨紅顏對我笑無言
邯鄲欲去尋年少醉倒琉璃碧甕樽

臥病對月

十五初昏月在參羅帷罷頓夜寒心床頭悞秘三年字
桁上橫拖六尺襟織女流黃聲宛轉隣翁浮白語沈吟
那知有客愁難臥餽粥朝來少一金

雜詩

白草黃茅不用栽滿庭荒亂徑難開隣鷄過我交鳴罷
窮鳥依人覓食回秋雨笠蓑聞夜度寒燈刀尺爲冬裁
書生燕處多深念門外何時陸賈來

過隣家園館

不願王侯長者過隔隣池館舊家多花飛底事嬌羅綺
木落何須怨斧柯曛黑倒懸華燭影邪紅初人少姬醜
青琴緩發歸風操正使當筵有豔歌

懷光輯侯讀書天界寺

楓冷相思落照前畔牢愁擬未成篇招提日射金銀氣
郊野秋寒草木烟歷下有才方聚論洛陽無帟不爭傳
美人含語仍宜笑百尺高樓只醉眠

光廷瑞

字輯侯給諫含萬公之冢子也少負俊才工

詩文善草書給諫公蒙難後徒步數千里赴
關刺血上書訟父冤廷議嘉之授官中翰疏陳時
政皆優納焉旋因黨禍未解脫身南歸祝髮長齋
竟以憂悴成瘵嘔血數升而卒
聞者哀之所著有半園詩集

入蜀

蜀道云艱難行年且十五晨起看鴻雁暮宿賦鸚鵡從
者三四人掉臂當風雨寂寂雲安間夜行石如虎星漢
雖縱橫但知關山苦寄言遨遊人未可輕鄉土南來浮
滄江西望極齊魯豈不壯客顏丈夫何詡詡

古意

馥馥閨中女盈盈坐高樓寂寂發長嘆默默懷殷憂殷
憂何所思託言在好仇良晨甫歡娛抱衾相與稠未幾
言別離征夫不能休今年戰城南明年戰白溝悲風四
地起明星黯然收之子赴功名賤妾欲何求徒知行者
勞誰惜居者愁

送遠次左夏子韻

高天不可登大名不可逃身能待其時所以稱賢豪山
川奔走間何莫非王勞余年二十二多閱春秋高金陵
雖富貴豈得謝波濤送客思鴻雁沉吟爲所遭上書子
雲賦下書屈離騷子雲今已矣騷魂留江臯努力向前
路與子咏同袍

歸田二首

歸田兮歸田依山結茅椽柴林三四里往來和雲烟飢
采薇蕨食醉枕詩書眠我欲出門去兒女將衣牽
歸田兮歸田栽滿池塘蓮月朗風清夜酌酒問長天一
問還一酌醉倒荷花前荷花羞不語直抱香魂眠

太白歌

造物如何生太白太白生時我不生木落風悲天日晚
遊人氣概未可平丈夫不輕少年士布衣當知宰相名
君不見韓文公時三上書詞鋒婉達竟無餘君不見孟
嘗門下三千客馮生彈鋏求家居當年聞之亦可笑後
世傳之增歎歎豈知有志者不守此茅廬所以韓荊州
能令太白投意氣憑人盡死生復何憂英雄多是飄零
子見知必欲在君侯我飲太白酒我誦太白詩太白不
知我悠悠千載思三尺劍一張琴倚馬臨風走上林著
作不必人來讀放筆成詩獨自吟

半園歌

是園也乾一半坤一半吾一半人皆取其全吾獨取其
半半榻半壺半月明半整搔頭人影亂長嘯震山峰放
眼通天漢詩書任我吟牛馬憑他喚醉後自呼爲半仙
烟霞鹿豕吾之伴

秋興

寂寂秋紅日貧家風味閒杜詩嘗在案陶戶不時關一
局留殘月千峰映老顏干戈憑郡縣料不到黃山

白嶽時左三山年伯緘關翠微天

人在翠微裏鐘鳴恍惚中心隨秋露白淚落海棠紅鳥
夢分明醉蟬吟次第同移床稍待月不覺出朦朧

答淡然任持

音韻通雅卷四十一
淡然而所好秋月映藤蘿信口完詩債無心却病魔水
衣還色相法鼓自笙歌聞道西來意傳言摠不多

寄興

嘯傲何妨市登臨欲遍山清風吹客怨明月愛人閒醉
後編花譜狂來論隱班有時乘興去經歲不知還

詰影

君既空形累那須依傍人艷燈前娥媚炎日下透巡骨
格憑他弄容顏任世嗔問君年幾許今日是何旬

影答

七尺因君有相憐不避人常爲燈下伴更向日中巡患
難何常怒清寤並未嗔同年同意氣今已近三旬

贈恒上人

數間茅屋半書齋半石爲梁半用柴風雨滿天清夢穩
稻梁鋪地放歌偕白雲能補千針納翠岫憑穿一草鞋
讀易有時錢亦盡何妨幾字爲人排

呈龔年伯孝升

年來心事杖頭知今日全非痛哭時常恨吾曹多識字
每憐騷客會題詩醉鄉歲月猶依舊河上人家好住持
讌比蘭亭同記取莫將綠醕負楊枝

感記和白孟新韻

崇安關上好吞聲執手何堪問死生著論南遷千載是
挂冠東去寸心明原期君子能當國孰謂先生善用兵

將相不和長恨恨令人哭倒石頭城

周元亮先生置一畫舫題之曰就園言就之即園

也此吾輩意中事不可無詩

吏瘦清琴酒一尊園中四季不知貧連雲種樹皆無意
帶月編書最率真到處山川移在目覺來天地動隨身
才人都赴瀛州會日日偕尋洞口春

贈友

把臂溪頭聽水潺雲為屏帳月為門公侯費盡黃金力

難買吾曹一日閒

喜月

萬里黃雲一喚開仙人多少下瑤臺上天知我真蕭寂

故遣嫦娥送月來

方

思

原各孔炳字爾孚崇禎間諸生少有文譽甲申後絕意干祿之學豪于詩歌因改今名別號退谷與臯城徐銓部月鹿太史莘叟善嘗館于其家紆衿方履肅傲自如意有所不可輒氣凌之
二徐君乃更相好也時論兩賢之嘗取宋遺民錄各為小傳人系一詩事核詞婉君子尚其志焉生事遊屐多在吳越江楚間篇什繁富僅得其近體若干退谷為畝山從弟其論詩雅有同好故集中佳句亦往往似之

岐亭曉發

黃雞催曉叫細馬侯人默估客出門少官兵為盜多裝
輕僮不怯山險路常過漸喜江天近漁舟寄浩歌

宿徐莘叟草堂

開牖迎花氣燒爐借月輝巢湖魚到早霍嶽笋來肥廣

受風難得羊求義亦微方書閒自煉採藥莫相違

霍山道中

古道千巖外幽篁十里中遇嵐如遇雨聞水似聞風過
嶺山田少經村草院通人家當四月採茗未曾終

過金斗假憩僧廬兼懷龔諸玉李秀升秦虞桓龔

鳴玉孝緒孝積伯通諸子

教弩臺前寺別來二十年空門逃劫火破殿續香烟幾
箇僧皆老二間屋借眠相逢詢市巷何處故家遷

過許石疏故居

駐馬柴門裏風庭露草深落花無客詠空室少人尋甕
底誰留酒牀頭不剩金祇餘丁郊集一字一傷心

與洞羞別

翫月漏常盡看花秋又移往還六十日醉百篇詩忍
別同雲散愁歸似鳥饑行行猶戀汝恐不耐官卑

送七兄三峰之廣陵訪柳鳳詹先生兼憶李叔則

孫豹人

去歲春多雪河邊驛路空延陵號未罷博士詠何工子兄

公敏客卒彭城歸里貧相對經年哭甫終飢身驅又急

爭得被常同

訪信臣山中遂宿

疎性常如病空齋半似僧尋蔬除宿雪炊飯拾枯藤聽
水能無詠看山幾度登典關還酌酒同臥對孤燈

元旦僧院書事

小殿淒風起隨僧讀佛書春燈龕裡亂晨雨塔前疎智
短身何往年深疾幸除眼邊無藥裹飄泊也安居

薄暮過芝山尋宿處

山石森如戟車塵冷拂雲風腥知虎過月靜候猿聞樹
影遮寒澗茅菴對古墳叩關僧未臥野飯煮春芹

六兄爾止自白門來縱川招晤信宿即送其遊豫

章予亦將有湖上之役二首

歡接河邊札疾尋亂後莊柴門花下啓村醞月前嘗夜
靜人談久衣單淚滴長離情差可慰何事又鳴榔
吾亦有詩侶今年官浙西順流猶易訪熟路自難迷乞

食頭尤白衝霜面更驚何時重買酒共向蔣山携

重過新淦縣

失路重尋友孤城草未疎店寒還宿客市熟肯賒魚廢
廟周瑜像荒山梅福居再來依古蹟人道是樵漁

吳城驛守風

繫石漁舟小古風賈客親水鄉魚米賤山貨笋茶新兵
艦來東粵娼樓醉北人管絃聲似哭一聽一傷神

將至皖口望天柱峰懷陳襄雲陳爾靖金去的汪

子炤陳兼布龔子棟諸子

歸路江流穩親人嶽影來插天如笋發映水似蓮開夏
有雪霜積山無豺虎哀遙思群處士居此斷塵埃

海門江上懷阮露臣

乙酉何如歲汝當總角時兵來破吾郡家散剩孤兒古
廟相逢泣荒山不免饑相期同上築嗟我亦流離

初夏送七兄三峰赴濟寧兼憶蜀藻

麥浪沿途白榴花到日紅雖誇兄子宦休厭主人窮骨
月疎來老家園亂後空參軍是知己共話月明中

赤壁晚眺

赤壁江前鶴不飛我來懷古悵斜暉寺高山冷佛堂閉
霜白月明漁艇歸春氣逼雲全斂樹水光浮郭半侵衣
臨臯亭與雪堂廢劫火何緣逃此磯

寄懷徐月鹿奉使武林

西湖勝事我全知波面峰頭比翠眉去歲曾愁無地至
今年又恐累曹司東坡說夢空憐髮白傅迴舟竟少詩

千里憑君報山水二公情况似方思

東坡詩云回首西湖真一夢灰心雙

髮便休論樂天詩云自別錢塘山水後不多飲酒少吟詩

三月十九日

去年三月十九日鶴問湖中夜扣舷今年三月十九日
龍穴山頭晝汲泉香耐兩迴澆逆旅愁詩一樣怨蒼天
枝來雙鬢添新雪爭比柴桑乞食年

趙五絃製羊裘見贈賦此謝之

南池分手正殘年寒解裘衣亦可憐白似王恭常佩鶴
軟如杜甫欲裝綿歸途風雪遙堪冒旅夜江河醉好眠

披到射蛟臺上坐故人日在釣舟前

九日與莘叟賦詩時俱在病中

去歲茲辰俱在越越山如黛水如油一聲青雀吹簫客
四面紅裙買酒樓詩滿浙西成勝事人歸江北忽深秋
今朝英蓼重携手同病同貧金白頭

遇李士雅於蓼城因偕過僧廬同賦二首

杜鵑聲裏麥初齊客過淮南路未迷老友忽逢停倦馬
空門重借聽隣鷄論心愁處惟添衲寄食粗來但有藜
若問遠公容買酒與君不惜醉如泥

寒香一炷月還明燈燼茶烟夜半清老計不如僧有舍
病軀難學佛無生江鷗野性猶存伴水竹隣居莫負盟

却怪故園隱君子公麟住處少田疇

由淮路之東魯荅士雅別詩

一旬酒醖未曾空互詠新詩百感同亂世誰能舍知己
他鄉人易作衰翁別情浩浩僧房外病體泔泔客路中
到魯定先登岱望望君不見望江東

濟寧署中二首

雀羅庭院日偏幽睡足可知在濟州年老飲蛇非是惑
旅貧憶鱸不因秋心情空處詩難斷羶臙除來酒未休
十樹榴花皆結子笑人零落一身留

閉門是我學禪時欲覓安心法自持槐葉助薪炊藥酒
月光代火照書帷阮公醒醉何人問向子行藏有嶽知

虛近岱宗難展謁祇教一望一低眉

邗江遇五絃自大庾入覲

司李衙中俸祿微去冬猶有故人依同辭東充歲時盡
獨去西江心事違苦詠可曾逢野客慵官應得閉閒扉
一年佐郡如逃世大庾梅花寄亦稀

憶次兒渾客天柱婦家未歸

正是春光最好時夏庭寂晝看山宜河邊草沒喬公址
城裏兵殘皖伯祠百里思家還對婦七旬寄食未求師
漢書讀處防人聽下酒休誇博浪椎

至歷陽不得晤成杏懷侍御因誦從弟井公昔贈
杏懷詩感而有作

霜威曾布八閩中天下何人奏記同綠野暫留門亦閉
白雲重護客難通烏啼樹裏還疑柏馬繫花前尚似騶
惆悵君顏不能見揀詩惟歎阿連工

送陳景樸還濡須二首

左慈廟裡道房幽小飲情親夏復秋秋後怪君歸獨早
懷人莫上稻孫樓
筆底江山不賣錢蘆花楓葉送君旋知君亦有龔開志
高處何須畫裡傳

歲暮泊廣陵寄懷藻思三首

夜歇揚州看月明閒來爭肯不牽情竹西歌吹人人醉
腸斷何須聽二聲

君別東吳已十霜寄家袁術浦中央浦人機巧應難狎
何處鱸魚勝故鄉

殘年江路雪霜飛處處游人漸覺稀君在劉伶臺上望
恨余先別喜余歸

袁廷憲

字爾章號笈堂崇禎末歲貢乙酉授中城兵馬司未幾國變棄歸以詩酒自娛晚年工數

學精導引年臻大耋鬚髮雖蒼面若童孺步履翩

翩所至爭以為人瑞云卒年九十三所著有笈山堂文集立笈三合集行世

接方漢樹省中書

貧交多反覆千古一心期談笑歡如昨寒暄節再移園
林呼酒日風雨對床時慰問來千里知同別後思

友人久別月下聚飲

音書遙隔忽經年此夕清尊夜漏前空讀陰符慚我老
遠耕先隴羨君賢月沈樹影庭初寂風起爐香篆欲圓
時事驚心都勿問草堂且醉菊花天

八十初度

莫嫌山僻太孤清淡泊居身志可明兩世桑田供冷眼
百年花鳥寄深情雙扉晏啟無車跡半榻高懸少友聲
却笑磻溪當此日猶貪雲水一竿輕

庚寅詔以樂輸起廢

君王有意拔沉淪暫借徵輸訪舊臣却恨窓前幾楊柳
年年疎影絆清貧

姚式過

字介子休那先生第五子詩古文皆有父風

隨家嚴淮上和友人

部署當時有數公津梁所被輒凌空淮王竈下鷄成道
謝氏軍前鶴論功閱世最憐皮相士論文真畏口興戎
鐘鳴漏盡吾何賴得近盟壇不敢雄

莫兼山翰太府

八十所製

韻率驚小楷

草堂且輒葺芥天
數精亦翻美
音書欲爾

龍眠風雅卷四十二目錄

木厓潘 江蜀藻輯

上元周 京雨郁

同里方雲旅譽子 叅

方 授 一百八首

龍眠風雅卷四十二

木厓潘 江蜀藻輯

方

授

字子留崇禎末諸生少與兄儀弟藻有靈巖

幽隱指擢入微不屑蹈拘牽襲績之習其為人秀
 友祥順言溫而色和古之壹行人也嘗與子輩結
 文社日角七莼諸子皆橐筆報完不諛諧轟笑子留
 獨面壁沉吟燈火青熒中猶吮毫不肯輕下其思
 苦而力竭皆此類也國變後飄泊江湖間自號圃
 道人攻苦食淡舖糜不給一似重有憂者君子讀
 其詩以為多勞臣怨婦屏營吟望之思焉既祝髮
 從浪杖人遊屢遊浙東或泣卒離轉徙悲
 困悒鬱以死年纔二十有七所著詩有三奔浙江
 草浙遊四集奉川草諸集如遣愁詩寒與梅花同
 不睡問尋鸚鵡說無聊拈韻詩靈運才思歸古佛
 賓王詩句老孤僧答友詩多海內風塵淚衣帶
 長安秋雨泥即事詩我望果卿惟罵賊人談諸葛
 不知兵元日詩慣經饑渴長齋易轉覺牢騷禁酒
 難懷陸春明詩五男獨讓千金劍一水分藏萬卷
 書懷聞鷄五子詩鷄亦不知人太盡數聲猶報五

龍眠風雅卷四十二

一

龍眠風雅卷四十二

更殘皆凄惋不忍竟讀至其夜悲歌二十七首一
字一淚直與鐵函並傳後有杜伯原其人當入之
遺民錄中非茲
集所能備載也

金陵二女歌懷臧三

金陵有二女家住莫愁湖長者太聰明其姊若癡愚涉
獵徧經史才思美且都二十俱不足聘者人姓口此身
漸分明指日事舅姑結伴採桑太陌上遇狂且明珠寧
有幾揚鞭疾馳驅一女不及避挾與馬上俱初不惜身
死志節既已污微倖得富貴不復心踟躕一女避草澤
姊太得逃逋良人千里隔矢志顏色枯東望望良人北
望望彼姝秋胡未負心羅敷豈賤軀奈何同心者頓焉
參商殊汝既事新人我當待故夫

幽谷有佳人懷吳亞侯居士

幽谷有佳人肌膚燦雪霜耳後大秦珠腰間明月璫札
札弄機杼織成好文章君王鼎盛日後宮多鴛鴦貞意
徒寂寞不肯入昭陽一朝滄海異削髮心煩傷結菴高
山顛入道燒明香少小原不字寧辱狐與羊東隣潔白
女懷玉佩羣芳三復列女傳慷慨泣沾裳佳人憐此意
相好無參商誓言朝太虛結伴王母旁此女良薄命流
離奔四方間關勞跋涉名節自輝煌脉脉望幽谷盈盈
一水長願言從佳人欲濟河無梁起登蓬萊山爲望雲
漢光梧桐搖落盡海上愁鸞皇

自修鵝

音耳 屈邪 卷四十二
壬辰夏大旱千里水不流一時射蛟臺禱雨聲網繆乃
有林氏鵝颯颯隨比丘斂翼跪佛前能知爲雨求衆人
不忍逐羣鵝不敢留恥爲右軍得願與慧遠遊投身天
喜院有名曰自修朝夕禮梵聲每愛鐘磬幽蛟臺異其
事出米置盆頭如鶴如鸚鵡如鷄如班鳩古者禽鳥中
佛性與人侔我聞龍致雨豈無蒼生憂桓宣大有年此
事書春秋爲語自修鵝大旱勿復愁汝自修汝事焉知
咎與休我偶當寺門夜泊江天舟合掌見鵝樂身病顏
孔羞

同潘二江舍弟藻隨臧師之東郊哭臧三天格有
作

我尋牽廉墳土淺草已宿牽廉幼狗齊數十行一目羣
書每博觀經史最精熟對人拙言辭生小毛髮禿其氣
若秋蘭其貌若古木九歲渡大江與我交情篤吾翁與
若翁易子爲教育旣事唐夫子同門益親睦風雨五六
年知心人有六之子益驚人光彩眩篇幅與我相扶持
爲文且攻讀此心無不知居然我鮑叔食同粗糲飯出
同遲鈍畜夜同帳與帷朝同盟與沐我翁使監子爲子
調寒燠我母使女奴爲子製衣服世稱臧方交朋友如
骨月憶昔甫采芹秋浦步黨塾聞子得成名狂歌無厭
足但望子雄飛不慮我雌伏觀者大異之古道童子復
未幾返秣陵蛩然聞空谷吾子著先鞭文章車擊轂終

音耳
賈兩少年羣爲吾子卜奈何神京陷中原角羣鹿同心
潘子輩聞鷄交相勗如晉哭新亭如衛盟完漢勗哉我
二人無敢徒碌碌改元幾何時北馬又南牧子來顧我
泣不忍見戮辱惟有古彭咸千載步芳躅我以老親辭
將訪茗水曲子聞亦踟躕有親誰啜菽千秋事不果分
手各脣廔十月茗水歸顛毛共僧祝訪子莫愁湖顧子
顏色慙子拜爲我言而翁相迫蹙不死亦不仕終難供
饘粥違心事功名無面對松菊聞我有氈衣假之入場
屋我爲詩責子其義頗嚴肅亦復知子貧養親無恥穀
子文霸天下姓名遂首錄此夜舉金罍爲我翁萬福謝
及我昆弟慰及我奴僕我時極貧窶甘旨無餘蓄感子

爲分金得買米二斛明年我歸里古廟拜壯繆吾子寓
其間夜遊秉明燭適有良宴會佳人品絲竹人生無百
年歡樂爲日促牽衣與子辭分飛如孤鶩我悲吳市簫
子傷燕市筑聞道黃金臺空復年年築吾子上公車北
風共驅逐王猛與許衡經濟在子腹我在甬江東因人
寄尺牘怪子曠代才乃爲卞和玉如何有家書道子遂
不祿驚聞斷我腸剪紙東海澳嗚呼滄浪天奪子何太
速我輩且偷生斯人不可贖聞子有兩兄骸骨中原暴
子妻在他縣忽遭此荼毒所生只一女勿復能舐犢不
謂作善家降禍如此酷今年我越歸欲致生芻束未知
葬何山哀情向誰告夫子爲余言埋骨東山麓始得與

音耳風雅卷四十二
同心招魂一痛哭白楊何蕭蕭陰風吹之扑天乎臧氏
子使我心慘譎

詠史八首

劔學殺荆卿筑聲死漸離如何博浪沙又虛子房椎鳴
呼羸秦天一醉六國危詩書燒欲盡火發咸陽遲坑卒
亦不仁何如坑儒時我讀秦漢書太息千里騷
漢未有焦先不言而廬居冬夏皆坦露垢汗身不除上
天且妬之野火燒其廬無廬亦可卧大雪與之俱人生
有茅屋牽蘿意何如
有田何必良卜宅何必廣役形爲使令徒步恣來往妻
孥不苦身何得畊以養客至無酒肴清談足幽賞過矣

樂志論我生無此想所求日一珍餐飯慰堂上此樂但
不窮夫何求天壤

三閭悲憤人行吟合枯槁豈有好容顏不繇彼懷抱我
病分所當服藥豈長好榮榮懷幽蘭悠悠惜芳草伏枕
讀離騷與誰漁父道

王霸有佳兒黃髮兼歷齒一見羣功曹自慙未知禮父
子本恩深霸久卧不起奈何高節士見不及女子旣耕
亦已種焉得不如此寄語山中人無與貴家比

曰沈又曰默曰溪又曰渾王景名子姪戒之惟謹言吾
翁師此意以言命諸孫諸孫言尚可我言憂患根三復
白圭詩山中早閉門

趙至在田間其父叱牛過不能致榮華勞親亦以多千
載一垂涕至我涕滂沱牛兮在爾側長夜可奈何當世
無小白徒然飯牛歌

人生快意事故人爲天子可與共偃仰亦可助爲理二
十四宿明客星在澤水釣魚披羊裘不顧立纁禮三聘
舍北軍帝來卧不起張目熟視之願洗巢父耳帝知不
能下樂與同枕被太史奏帝座故人共卧爾後有李山
人祿位非所喜自願復京師上與子陵比嗚呼彼布衣
中興且如此一卧動天文有生事足矣

忍饑行

出門乞食不顧歸出門無食當忍饑米貴囊空遊遠道

相對莫勸加餐好小舟遙望惠山顛惠山賣酒又賣泉
無錢尚難飲其水沽酒之事長已矣舟中只餘米數升
炊米作飯飽未能飽既未能饑亦可首陽高人已先我

過滄墅關

年年浙江遨遊還所歷北新滄墅蕪陰之三關舊年北
新關上過關吏培克行路艱商賈掩淚發長嘆 本朝
稅法今全換曩時一貨開一單此日開單過其半予時
客路囊無餘一肩行李一箱書買得脂粉花燈遺親友
攜來蟹醬蝦蟇紫鯊魚關吏悉索頗無道編余幾百幾
十商人號八斤海味作十斤每石行李加三報書生在
列商人名其名實辱其財輕是時滄墅尚疎畧小舟直

音耶屋牙卷四十二
過姑蘓城余別姑蘓纔五月忽聞新官新令發大關堂
上坐三官小關橋上增羣卒喜余過此舟內空閒視無
有容我東隣舟糝米僅五斗罰銀四錢入戶工傳說稅
人又自明日始稅人安得道路通相教商賈慎出入于
今天下重足立何曾關市譏不征出其路者空於邑吁
嗟乎爲暴之政日日開今年不似去年來此去北新關
上我知矣不知歸去蕪關何如哉

七夕宿野店

梧桐葉老風颼颼烏鵲傳聲天欲秋山中擣衣難寄遠
是日穿針擬上樓遊子奔走海上路人困天昏愁日暮
波濤飛擁千丈高欲渡恐觸蛟龍怒四顧海邊屋數椽

饑人無食渴無泉我苦其間人氣多徘徊夜半不得眠
傷心此夕牛女見無端涕淚沾團扇滄溟可通天漢無
乘槎思覩天孫面稽首再拜勸一杯小臣不爲乞巧來
天上團圓且有日臣獨何辜因此哉上天之難行路比
如沸如吼一海水遠莫可望悲莫歌明日未知生與死
散步太息欲斷竈孤店主人催閉門呼我進來草榻坐
昨夜猛虎街上蹲

象山道中紀懷

海山十日風雨積朝霧暝烟帶征客茫茫遠望千峰青
浩浩平看萬里白嗟我胡爲此經過客程不盡辛苦多
僕夫圍卒皆况瘁疲驢爲浙山之坡五步一石十步水

水深泥濁沾行李且請勿歌行路難峻嶺前途突兀起
呼僕扶我徒步行荒藤蔓艸遮天明決背不見鳥雀至
側耳如聞虎豹鳴棘中尋隙低頭入狹路緩步轉心急
透迤匍匐十里餘仰見山顛行人集破菴僧太徑荒涼
土佛而醜塵爲裝我坐欲休不敢進其氣如有人死亾
上山猶可下滑我攀援手足俱防墮日落無力渴且饑
悵望山邨有烟火山村索寞丁壯逋斃老叟形貌癯
向我啼哭來乞食我迎問有酒家無叟卽當年賣酒輩
邇年百里無犬吠喪亂未休又凶年何處求糗及蔬菜
喜余攜米一瓦盆荒竈炊粥爲掩門拾取荆薪紹土室
鄉音只聞蒼頭言爲問高山尚幾許四海飄零吾與汝

人生貧賤老鄉中莫向天涯作羈旅

夜悲歌五首

夜悲歌歌回首回首亦何爲瞻望父與母阿翁遭屯遭
明年五十九大兄備椒盤小弟釀春酒中子最不孝託
鉢東西走三子兩母生我母臘月壽有婦可代夫納履
停針否有妹可當兄茶瓜諒亦有有孫可作兒小者抱
在手天平我何辜雙親離別久魚在淵鴈在藪爲我致
書雙親但當隨時愛景光無復上怨青天下思黃口眼
見黃口兒成人不孝友人生養兒高談大言學仲謀不
如田家膝下依依得豚狗心依依歌蓼莪海角天涯可
奈何

音見風雅卷四十一
夜悲歌歌永嘆北風起江水寒望京師路漫漫念我妣
中心酸薤露不獲壽蒿里無可安奴收其骨賊焚其棺
三子不孝扶入長干長干竹有園鬼伯聲凋殘前年寒
食太紙錢挂樹摧心肝舊年長至過衰草荒烟側目看
今年又值歲云暮我欲從之行路難行路難色惆悵生
不養兮死不葬

夜悲歌悲半吐有姊三人有妹五婚嫁至老不得完五
岳何年遊我父生女未出門生男不在戶誰謂生女惡
生男亦何補生女時或解父愁生男如我見之增父怒
怒未已樂何如大家爲我續殘書

夜悲歌歌房中荆釵女兒生江東十七嫁與梁家鴻自
汝之爲我家婦不得一日笑語同國旣已變兮家亦已
窮子不得孝兮臣不得忠與汝抱頭時痛哭有時反目
首飛蓬舊秋別汝梧桐落今夏別汝櫻桃紅是時天氣
乍冷暖我欲著衣禦江風取衣桁上汝止之我遂拔袖
不與父母通拔袖來幸有舌擁被繩床天欲雪
夜悲歌歌未止懸弧懸幌今何似屈指九月及于今何
事呱呱竟弗子我母無他兒我翁年老矣日日望孫兒
得孫兒縱得孫身在此有孫勿似不孝兒緩急他年無
所使有所使立家門他年代父報祖恩

賑饑粥

官今寺院冬煮粥聊克三日饑民腹扶親抱子或携妻

我悲欲繪圖一幅繪此圖亦何爲民雖饑當告誰于今
不饑之人總不知君不見黃堂夜夜羅歌舞賑饑粥米
民間取自謂能拔饑民苦刻石收之德政譜又不見入
寺空言慈若父登堂苛政猛于虎

牽兒衣

牽兒衣執兒手賣兒天涯牛馬走不及黃泉得見否囑
兒悲啼勿在口有兒可易米一斗卽此以報汝父母只
恐新穀未升斗米完無兒可賣又賣婦

途中婦

途中婦哭失聲自言妾住慈谿縣偶然乞食到府城阿
夫五日不相見不知何地去謀生大兒種痘家裏卧小

兒饑渴牽裳行急欲歸去問生死桓桓新設守城兵城
禁婦女不得出何人爲訴流民情吁嗟乎人生骨月須
一處饑來乞食能相助見此婦人我心傷明日城門用
錢使爾去

燈花謠

三春花落胡爲哉不如夜夜燈花開人言花開好音至
如我好音何所事老親鬱鬱未安居弟兄出處枕被疎
尚有室人謫貧窶厭我焚書且讀書讀書有淚却無力
仰見燈花開嘆息爲歌謝翽冬青詩此樹終有開花時
此樹終有開花時夜夜燈花報我知

童子泣放小鹿歌爲四弟萊綵作

音耶風牙卷四十一
小奴上山獲小鹿鹿悲不鳴饑食粥吾弟三歲有仁心
憐鹿無母爲鹿哭急叱奴人放之山奴欺在山仍在屋
俄復一奴山上來爲言鹿母尋子聲哀哀弟又聞此淚
如雨叱奴抱弟放鹿山之堆弟因鹿去歡我爲鹿去苦
爲我謂鹿母早來爲鹿乳未放愁人放愁虎死生離合
只須更荒林日黑山無主吁嗟乎我聞周豫魚鞬身護
子首就湯又聞桓溫猿哀號求子行斷腸古今萬物皆
如此貉隸無官素書毀鳥語獸言不入耳我願九天大
地間人人吾弟泣放小鹿之童子

折楊柳

密密河橋樹青枝一半無大都朝繫馬只是夜啼鳥細

柳辭征婦長條別故夫歸來聞鐵笛不忍別須臾

憶內

亦知行路苦總只爲調饑念爾惟稚布因余典衿衣持
縑難比素織字擬停機何日能偕隱相將採蕨薇

與明農從叔買舟

弭楫聞相待褰裳逐曉風到家愁出入瀉水任西東道
合詩尤合舟同被亦同虞翻貴知己况在一門中

淳湖過陳汝颺齋頭兼懷邢孟貞先生

近古一詞客知君兒女親到門多曲徑獨樹伴幽人煉
藥惟收鹿馳書先剖鱗江天有雙鳥三匝暫棲身

贈吳弗如

周師罹黨禍生死託貧交奇策曾相救遺詩不忍拋幽
居依水國佳兆卜山坳古道欣良覲遊踪累爾庖

贈湯仍三

到此無三日知君已二年氣應齊古俠詩欲步前賢念
友纔趨市愁余又買船那堪芒種雨寒似暮秋天

贈惠泉

天下當今日誰爲第一流甘泉能不變滄海復何求每
載輕舟出堪令濁世羞竟無知我者將老錫山丘

武林門送別明農叔歸京口三首

買舟京口太良友指潘錢號呂淮西隱詩應海內傳黃
虞風往矣闕粵事凄然却話吳江別蹉跎已二年

古人不得志徃徃卜容身言必依忠孝心能質鬼神君

垂簾自適朋載酒非貧橐底錢如滿封歸獻老親

胥江不可渡分手武林城學卜難同賣教詩恨未成家

書千鑑重湖榜一鷗輕八月余當返相邀仍耦耕

曹娥江夜渡二首

一江潮怒發世世屬曹娥神孝古無幾父尸今若何四
時聞痛哭五日恨絃歌生女猶如此停舟莫漫過
昔聞上虞女今知葬會稽江分兩邑界碑許四方題近
壩愁嘶馬呼船待聽鷄遺形存古廟應卜未曾筭

范一香國持蛟川雙烈傳索詩雙烈者林穎新妻

李氏鼎新妻劉氏也

音耶屋牙卷四三
選烈于今日閨中有二林死生千古事娣姒一時心可
自詩篇得非關字義深相將夫子命終始不商參

海店

潮起風何疾墻頽日未遮經年艱米穀滿地曬魚鰕
以饑扶壁兒因亂出家客來長嘆息鹹水渴無茶

謝忍可上人分淡齋

淡薄山僧古清齋面目黃十年鹽食斷終日菜根香
瓦盎蒙分惠蓬門得遍嘗病軀餐飯減味覺此中長

有懷家君鄉行雜咏二首

會聖岩隣砦三春此避兵經臺晨作市佛鼓夜巡城
方慣良弓用恩隨曲突輕解紛思往事誰識魯先生

野外無拘束青鞋東復西山行憑一杖草宿慣雙谿
滑想流匙飯甘餘入饌鷄何時與兒子隨意得幽棲

寄懷袁令則又安四首

在昔浮東海袁君交最先變名艱避世灑淚共呼天
旅舍湖干酒芳洲月下船我生知己重飛夢越山川

客路曾聞變飄零繫小舟臣心觀海水子道愧谿流

時同避慈入寺貪黃面思家欲白頭賴君萍梗共排悶對沙

鷗

令戚沈吳輩乾坤亦有心眼青看向我林黑想于今
伏枕書難就裁詩感不禁故人休致問癡病逐年深
我形如豫讓君隱似韓康嘗勸加餐食相憐贈藥方竟

無療鶴血惟有斷猿腸萬事床頭廢深情未敢忘

璩鞠思弘士過訪留酌託爲予買山二首

形影十年變相逢乍問名細言星散事彌重歲寒情親
老懽邨會天空戀友聲青驢來徃便多趨萬山晴
一枝猶未定爲卜大龍灣太子二三里樓予八九間乾
坤留舊雨歲月老名山所託分林石樵蘓恣徃還

送舍弟之浙江二首

新鶯啼夏木風雨渡江初池草勞兄夢船燈讀父書詩
文頗簡點山水莫躊躇小泊苕溪後先來雙鯉魚
各自成消息何須問是非得濡微祿養不恨采薇饑鶴
立乾坤病花分湖海輝我存雙眼在秋看彩衣歸

自寧波往慈水偶占示秦汝翼朱君爽

冉冉山根竹悠悠水面萍同心猶夙昔他縣任飄零租
舫湖西借肩輿渡北停病深慙累友分外眼雙青

謝秦復齋贈紅穀蔬菜

稻穫君猶未貽來子粒紅與僧飯不雜聽板呪能同暖
味知憐病同心欲送窮分蔬及僮僕飽食慰飄蓬

復齋又贈穀謝之

糧絕慙相繼情深受不疑只從君索食誰爲我驅饑典
座米無償諸方齋有辭禪房鼠又覺貪我故人貽

大雷

卽此大雷岍叅軍亦偶然一書傳令妹千載賞名篇古

音耳 牙 卷四 二
道荒埋草澄江旅泊船臨風叫才子寥落幾山川

燕子磯

千年一隻燕未忍別家飛絕頂呼江水當門擁帝畿急
流衝石度小泊待風微蕩子端何事茫茫對此磯

偶成

露葵風竹閉門深萬葉飛飛散夕陰月護汀洲沙雁宿
天連湖水夜龍吟孤臣七日亭前淚高士三秋海上心
彈罷廣陵燈火靜故人寥落不知音

蘧園秋思

蒹葭秋色起江湖片月高天炤客孤卧病深山尋遠志
懷人千里寄文無典裘正值初逢雁聞杵那堪更憶鱸

故國白雲消息斷木犀香老落花鋪

贈寰中上人時亦已爲僧矣二首

古剎雲峯佛磬低梵音松下闕關黎竹因香積厨泉響
茶自能仁石縫攜鶴舞空山爭大麓馬嘶古塔護招提
紛紛柿葉飛搖落留待羈人月夜題
翻經燈火夜漫漫自許彌天一道安鐘罷有心狂擊鼓
筑殘無髮怒冲冠月臨古佛青銅鏡霜老神仙白玉棺
聞說浮山山色好圍棋藉爾獨登壇

卽事

漳海清風恩詔聞誰教輕入虎狼羣後師表繼前師表
生祭文催死祭文絕食已傳過八日剖心容易謝三軍

鍾陵南向青青草欲卜山爲丞相墳

與外舅張先生飲醉言懷

先生家寓虎林城去此冰衙五百程每到歲時頻灑淚
恨無田畝共歸耕薄遊勉爲兒孫計汎愛偏多子壻情
嘆我何因更遠別雲山滿眼未銷兵

潘蜀藻留飲賦贈四首

破衲歸來又一年草堂攜手意凄然君雖不隱文焉用
我已皆空詩漫傳佛許故人開聖酒天憐今雨遍狂泉
夜遊况有明明燭重話西窓未了緣

秦淮送我有悲吟白水清清見此心

蜀藻原句

一別五年渾

似昨長歌七字到于今鷄忘夜雨人分席鳥戀寒霜友

在林江漢西流流且竭與君相對益情深

鏡湖秋水得雙魚曾道佳兒亦念予交重賤貧初託女

壻聞聰慧遠憐渠忽驚望失河陽樹漸覺愁生靈炤蔬

小塚今朝剛宿草那知歸客對欷歔

蜀藻有壻兒吾壻也

柴門客到徑原荒見爾誅茅覆短墻新筍盤分慈母嗜

晚菘味與故人長交知尹敏親原久形似嵇康懶不妨

南北宅成春鳥變好容明圃灌中央

出門

自擲儒冠愛遠遊年來頻買湖江舟茗溪飲水曾銷夏
蓬海觀濤每及秋三別庭闈三次恨一過陵寢一番愁
山河若不歸□□從此飄零到白頭

哭拜岳鄂王墓

湖村指點哭忠臣南向松楸萬古神道合于公雙少保
廟邊壯繆一佳隣本朝過客曾悲宋今日何人敢罵秦
為買寶刀墳上舞金牌遺禍又沾巾

關廟

當年遺恨失荊州久矣談天非姓劉中國至今稱漢室
古祠隨處是關侯累封盡受熙朝勅一將仍垂聖帝旒
如此報功良不薄何人此日讀春秋

喜遇左碩人先生湖上

龜齡舴艋向茗川駐馬西陵松樹前有衲便攜三竺屐
無官好汎六橋船曾堅讀史山中約又結歌詩湖上緣

明日忠魂先展謁岳王祠宇氣森然

初度後一日外舅招往象山遂買舟走湖頭渡
憂既傷人路復艱纔過二十鬢毛斑將安歸矣來東海
有所思兮在泰山憤懣欲舒誰許說窮愁可告亦無顏
官衙莫辨床頭酒讀到沙椎淚已潛

懷小戴青山

泰世淮河六代基何曾文酒故人離湖山得句余同賞
天地論才爾獨奇五夜鷄聞雙草榻兩家犬吠一茅籬
至今風雨三山夢猶似西窻剪燭時

懷潘三桐城

世人欲殺爾憐才幾度春城招我回已分山中成草莽

偶從海上到蓬萊
鷄聞豈爲劉聰舞謂聞鷄堂
蛟射還思漢武來謂射蛟篇
自有王孫能好客
梁園當復聚鄒枚

懷伯兄季弟

出門曾約註毛經
兄弟聞詩日過庭
獨我有家皆罪戾
登堂無面自零丁
遠辭壽考慙烏鳥
私日慈闈托鶴鴒
憶別縱陽揮淚處
幾羣歸鴈曉天青

中秋旅懷三首

旅夢依依拜老親
那堪佳節一孤身
青天到處難容我
明月何年不照人
弟妹山中當煮芋
朋儕江上各思蓴
綵衣多辦歸來著
聞道王師下七閩
櫻桃正熟良人出
何事風來桂子香
懷得明珠秋月盡

夢餘孤劍夜天涼
惟將寄履同行止
斷不持縑較短長
此日燈前休悵望
重陽屈指尚他鄉
弱女何心怨別離
田園久闕慰情詩
于今可記呼翁語
是節當教拜祖儀
食下含飴亭午後
祀餘分果月明時
尋嘗佳兆占兒口
弟妹今年知未知

懷左子直子厚

忠祠昨歲病相依
二士邀余採蕨薇
君自有顏瞻俎豆
我今無語對庭闈
曾言南渡宜先紀
自出東門不顧歸
忽憶左思招隱處
重陽紫蟹兩番肥

象山卧病雜咏六首

象城官舍最湫隘
藥餌扶吾何所之
足繭江山遊倦後

音耶風雅卷四十二
手卷筆墨用疎時吳尊自好憑誰採海味雖甘總不知
鏡裏已慙非壯士那堪形影又支離

半間棲息一身微出入逢人倩掩扉本草自能存遠志
藥囊底事見當歸飛來日夕鴉聲惡夢入鄉園樹影稀
莫使寒風吹我淚恐防飄灑到庭闈

寒將淒絕熱猶狂七日奄奄廢木漿窻暗榻前爭亂鼠
草枯屋上走饑羊幾聲費力呼人至開眼無光見吏忙
又說呻吟須自忍大官刻戟到公堂

已將雲樹棄孤身病苦方知不耐貧布被如冰徒卧久
葛衣換絮倩裝頻秋風欲盡悲添我冬雨若來愁殺人
消息喜聞如挾纊可憐遲日又難真

氣絕甦來恨轉加剪除爪髮寄還家二人恩澤天邊雨
一室團圓夢裏花墓栢不移凋後節畹蘭寧折種初芽
倘存病僕收吾骨詩草殉余葬水涯

九月九日伏枕望眼開自顧影相憐驚心節序黃花雨
虛負山城紅葉天勸酒題糕每歲事吹簫伐鼓一人眠
蓬萊舊是登高地求藥難求不死仙

遣張僕往鄉寄書三首

吳越飄蓬又一年夢魂飛渡兩峰顛臨風心動指疑齧
望遠天寒眼欲穿節序去來日五十江山往返路三千
整冠送汝先收淚百拜郵書父母前

鄉心躑躅紙難舒汝善爲辭代我書先勸高堂調寢食

更寬合室倚門閭憤詩久爲嚴慈戒浮氣新從佛老除
若問形容憔悴否諱吾消渴似相如
汝到窮鄉雪意殘天涯一字一悲歡弟兄共紙須分讀
妻女嘗談亦細看鴻鴈鄉園傳涕淚螻蛄客舍望平安
年來心益乖徐庶待得瓊瑤慰歲寒

臘月廿四家母初度望鄉遙祝叩首成詩二首

北堂初度憶嘗年啜菽聊爲壽母筵送竈迎先兼歲事
勸兄酬弟樂天緣貧家薪水慈顏老亂後雲山望眼穿
此日翁前瓦罍共所生不見定凄然

膝下悲歡意若何二千里外白雲過婦生野里殷勤少
妹在孩年簡略多遷宅有無題鳳字登堂應否集漁蓑

小兒欲竊桃爲壽三復南陔孝養歌

伯兄送別樅陽有作

伯仲離歌江水長七年兩送別樅陽慣看東海人持鉢
却負西頭月滿梁明日小舟愁客夢今宵大被借僧房
離親十二時無幾兄去家書有數行

答西頑上人舊梵雨夜見贈

途途何計弗張乖燒水清談自荷柴笑我娛親惟布衲
羨君面聖有芑鞵杜鵑因病不能拜薇草疑腥空復齋
瓢笠天涯期結伴蹇驢相送又傷懷

于湖喜遇畬山叔

唐駱賓王高達夫爲言昨夜夢中俱今朝恰喜逢遊子

先哲深慙望腐儒楚蜀總戎君自有淮揚飛檄我全無
雖然才命生來薄附驥還思騁壯圖

贈蕭尺木居士三首

眼枯未忍望鍾陵早見鍾山梅下僧四海有情空見畫
千秋何事欲傳燈敢當倒屣憐貧病聊與科頭數廢興
我夢不離靈谷樹欲隨君住白雲層

先生大筆垂宇宙肯爲吾翁圖水厓高閣初成臨怪石
小菴恰喜近荒齋久知王宰艱真蹟直借滄洲慰老懷
更許聯詩題畫冊草堂靈與素心諧

吾輩難堪見楚辭章章圖更古今奇本從萬卷書中得
只有三閭湘上知海內阿誰歌且飲枕中特出喜成悲

雪菴和尚傷心血流在君家小墨池

戊子元日

二十江淮已問津蹉跎又度兩番春論年深愧懸珠目
書子當終荷鍾身桐樹葉生知錯閨荔枝粉見嘆迎新
辛盤每忖他鄉味不盡屠蘓憶老親

喜得大戴書

分手秦淮四月間三年風雨別離顏夢魂不忒南朝寺
書札初通東海關我尚未能知死所君從何處得生還
開函總是長相憶珍重龍眠大小山

種菜

短髮婆娑感不勝雨移畦菜病中興灌園無力慙名圃

耨地求人笑此僧山供久甘蘆笋飯墻陰欲借豆瓜藤
東陵古事泉明句動曰高賢我未能

奉懷唐畊場夫子

自挽驪駒別舊都蔣山栝栢半年枯直今到處飛鷓鴣
動向何山怨螻蛄首郡滄桑增涕淚八春雲樹隔生徒
可憐視我情猶子獨立空門一字無

不寐

今年花信總無香伏枕呻吟事事荒防虎微功初斬竹
誅茅費力已頽墻雨聲嘗使驚天破春夢還教怨夜長
也有杜鵑眠未得一聲呼我一迴腸

九日同左子直諸子遊龍眠分韻二首

重陽尊酒故人移一出東門步念之四望但餘山未改

初生轉憶我無為黃花插徑歸秦火惡草盈谿怨楚辭

最是龍眠幽意愜松前雜坐問寒知左居士問舊各寒知

浮丘居士龍眠居其後羣賢共讀書親手種松多歲月

近城無樹此扶疎晚從田父賒新釀靜對溪流逐小魚

紅葉青驢詩興好攜僧當不吝園蔬

寄陳仲紆量

有弟茗行先訪君維舟攬涕惜離羣身當喪亂空存骨
家為饑寒欲賣文生死可憐惟舊雨江山何意慰停雲
我來倡和歌秋興莫道逃禪硯已焚

答贈秦復齋白下寄書

叫口同觀東海濤幾年相訪泊輕舸官猶太守風流在
談共孤僧雪色高一別江烟旋斷絕重來陵樹最牢騷
至今學圃難忘我珍重君書問桔槔

東答李士雅

開見君書淚與俱啾啾鬼哭說漳湖難填東海惟精衛
不背南雲是鷓鴣往事豈堪談百粵新詩且又遍三吳
二毛容易人憔悴莫以傷情望眼枯

贈心上人之山東

杖劍初從丞相軍幾時削髮不如葷論心懶豈如明瓚
截指忠猶想霽雲佛鼓三搥曾罵賊僧厨一食尚思君
扶筇過我情無限漫說蘭臺石室文

水厓未出門時有作

但得芒鞋任所之幾雙鞋破出門遲園鳩忌我分桑椹
山笋留人看竹枝渺渺江河親望眼依依香水佛低眉
小菴高閣皆新構太住無情兩忸怩

喜蒼頭拜石自白洋來

日日思親拜佛年年作客依人庭闈入夢難舍主僕離
家易親

催耕島

野島催耕雜樹多郭公呼罷再呼婆啼驚新婦鴛鴦夢
轉罵公婆不插禾

蟹魚

音耶風雅卷四十二
捕鱉捕雄不捕雌捕雄自有雌來隨鱉魚亦解從夫死
可怪漁人太不慈

卧軒苦憐升池之幾雙憐烟出門鞞園謝思游分
木里未出門却首介

龍眠風雅卷四十三目錄

木厓潘 江蜀藻輯

和陽戴本孝務旃

同里李 雅芥須 叅

方以智 首 一百七十四

龍眠風雅卷四十三

木厓潘 江蜀藻輯

方以智

字密之號曼公自稱龍眠愚者中丞仁植公

諸書皆背諷比冠著書數十萬言與陳公子龍力
倡大雅復社諸公皆以聲氣名節相推崇禎已
舉于鄉庚辰成進士會中丞公撫楚忤時相被逮
公控疏請代膝行沙堰中兩年卒獲賜環壬午授
翰林院簡討公素憤時弊欲痛陳之適李賊破潼
關乃慷慨請櫻范公景文復薦之召對德政殿
至夜分直言不避諱忌上撫几稱善欲超用之
以執政格不行賊陷京師梓宮陳東華門公往伏
地哭為賊執拘囚廿餘日峻刑楚毒兩髀骨見至
死不汗既南奔值仇愨柄國遂流離嶺表十召不
受宰相庚寅披緇為僧粵破被繫環以白刃終不
屈晚遭患難談笑自如卒于萬安臨終猶與門人
講道語不及世事惟以未卒業諸書命少子中履
踵成之風兩大至遂瞑公博極羣書天人禮樂象
數名物以及律曆醫藥聲音文字書畫卜算靡不
精研所著有周易圖象幾表通雅物理小識炮莊

龍眠風雅卷四十三

會宜編易餘陽符中行東西均旁觀鐸鼎薪平衡
諸子燔瘠切韵聲原烹雪錄剛補本草凡數百卷
詩文奏議卷亂後多半散佚諸子摭求之四方編
成四十卷分前集後集別集總名之曰浮山全集
行于世公讀書深識力厚才大筆老故能驅使古
今奇正因創各極其至其論詩主于內發性情外
嫻節族所謂中邊皆到舍聲調字句雅俗可辨之
邊則中有妙意無所寓矣故詞為邊意為中而詞
與意皆邊也素心不俗感物造端存乎其人千載
如見者中也必陶鑄騷雅蒸滄漢魏然後可與解
衣盤礴耳詳見稽古堂詩說公大節與斷事公略
同而鄉舉之年亦以已卯後先若相膺合故次前
朝諸先輩之詩肇自斷事訖於簡討以志
榜榆一代之盛政不獨為方氏之美談也

企喻歌辭二首

白馬高纏鬃飲之長城下毋寧自勞人慎勿勞我馬
出門無兄弟結伴還須多一看鐵襖襠淚下將如何

捉搦歌

父母不樂因有婦事師不專因多友能舞寶刀常割手
錢餘百萬成白首

折楊柳歌

男兒辭父母涕泣對妻子女兒辭父母涕泣心中喜

對酒

對酒卽當傾何時慶太平今幸五穀成但有天子聖且
明使農家父母兄弟尚躬畊安能得罕开胃頓不犯邊
京錢穀皆滿盈將軍校尉不復用兵自丞相以下中大
夫守吏二千石三公九卿盡廉潔不爭置觀立學諸儒
榮令跣跣駕威威名下無催科並征各樂其業刑罰
得重輕外戶不閉夜不驚今皆不然何以爲生

善哉行

上山采蘭下山風寒既見故人我心則懼解一西門步還

執手盤桓今日不樂明日大難解二雲中仙人與藥一丸

但願藜藿我不敢餐解三明月在天零露團團商絃欲絕

我不敢彈解四霜降城隅艸木皆枯何以忘憂清酒百壺

解五日月已往駕言遊湖何必成名乃為丈夫解六

隴西行

門中有好婦出門望征夫征夫戍隴西艱難萬里途單

衣被雨雪如今三年餘杳杳音信絕不知尚有無空房

悽以慘春秋顏色殊采桑在南陌采蓮在東湖饑來無

饔炊寒來無重襦織素以自供深夜累長吁為君度辛

苦隣女以為愚泣下不可言心中徒區區有客徃北方
將到隴西不贈君一端布可向酒家沽

孤兒行

孤兒生孤兒既生不如即天人言孤兒無父母得兄嫂

我言孤兒寧與他人為好人猶怛惻不若兄與嫂寒冬

臘月未嘗衣魯縞父母在時惟我是寶安知饑無食啼

時向誰道出東門但遠望蒼天蒼天視我草草父母所

遺我不下十萬錢宅一區數百畝田兄嫂但用之非一

年我敢言憐彼心中更不然將欲殺我乃得其全不如

早殺即見黃泉蓋有小人從中較計使我兄嫂不作聖

賢此里中不可居十五不足十四有餘竟去他鄉從師

音耳
讀書他鄉流宕知我者少欺我者多將安所向父母之
骨尚在高堂何時得葬亂曰少子固不宜生致使白骨
無收父母不愛少子何與父母爲仇

艷歌何嘗行

遠望白鵠飛飛東南翔五五相隨十十成行一本欲

一時行安知復損傷中道羽毛頽反顧以徬徨二八月

降白露九月成繁霜東海將堅冰北風知枯桑三相逢

但飲酒歌詩以浩倡明日卽離別不豫愁中腸四行行

難久留送子至河梁河水隨長路路傍愁白楊莫難于

相知莫怨于相忘莫悲于離別莫苦于他鄉人世論及

此淚下一何長邂逅樂相樂死生安有常

來羅

枯草被平原西山落日照草枯還更榮人老不復少

翳樂

少年歡樂意誓與江水深分手過明朝已非今日心

西平樂

往來輕薄子與我相知新贈我青銅鏡欲得鏡中人

白紵舞歌辭

風寒夜長酒已多明月皎皎玉顏酡帝幕珠簾影婆娑

側弁交席起僬僬鼓鐘鳴磬擊靈鼉趙姬酣舞胡姬歌

齊謳秦吹聲音和披離縠霧揚纖阿揭簾出戶怡庭柯

天津閣道斜臨河翠微澹影高嗟峨忽見天邊鴻雁過

樹上繁霜被女蘿涼風淅淅池中波春秋嘉會日蹉跎
佳人泣下沾綺羅不知君心將若何

古兩頭織織詩

兩頭織織弓如月半白半黑將士髮脰脰膊膊征車發
磊磊落落沙塲骨

東飛伯勞歌

誰家女兒著羅衣仰視伯勞正東飛不覺含情理清曲
微按冰絃知柱促黃金屈戌控流蘓飛仙髻後大秦珠
倚檻但持白團扇惟恐傍人得相見徘徊獨對寶鏡中
可憐花落從春風

烏生

烏生復能啼多在長安掖門西但見掖門前有衛士驅
逐復至宣武門城上棲生子八九飛尚低飛落公侯屋
畢逋相呼半夜聲淒淒蕩子彈之墮於濁泥老烏啼不
能止不如墻下長鳴鷄傍有黃鵠摩天極高飛飛出海
外將安歸又見猛虎近在上林中日以肉賜之何其肥
鳳凰自以爲聖人所知來集建章鳴且悲惜我建章宮
中未得聽左右張弓爭射之悲哉鳳凰太自歎不合時
下告善人慎不可爲

董逃行

駕車何往何復還我將逃入深山人皆喜長安長安道
上大難但有沙塵蔽人衣冠解疾馳驅以爭先市井無

賴皆得官紫衣朱鞍密使掾吏出入宮府間二何知一

且不可知事非一端欲逃亦已晚前路何漫漫安得布

衣蔬食日夕饑且寒三知者逃於神仙上謁蓬萊求一

丸更得玉杵以遺心所歡彼尚不能忘長安獻此藥陛

下加餐四服之神武左右難欺但乞聽臣勿疑請奏董

逃歌詞後漢游童無知董丞相何不罪殺之五解

詠史七首

談學本黃老史記宗春秋子長發幽憤其文江漢流孟

堅故莊語難免种兢謀蔚宗論目曉團扇良足羞兩晉

南北朝清語酸颼颼宋以理窟拘唐以風詞浮載籍有

賓主浮名安足求哲人知長短自寫終身憂

肺腑領將軍武安太后弟王孫喜賓客藍田搯短袂失

執不自安終坐蜚語斃東朝相辨折天子不可制杯酒

罵臨汝縛手居室繫生時受其毒死後空作厲嘘唏藉

太尉善爲人生計

蘭陵天子師草疏好諍諫搗舐韓延壽早爲鄭朋間朱

雲和藥來終殞于豎宦因笑賈捐之貢禹亦出汗二疏

祖帳圖後世起長嘆

維鷄翼不濡彼子服不稱風流喜顏色夏戾與何鄧野

草蔓黃花骨骨滿三徑秋風一夕至有力不能勝悲哉

子丹兒白馬黃金乘握兵數百萬郡國皆響應投刀願

富翁痛哭終弗聽致使辛憲英閨中一言定

擊鼓在深宮外野皆聲聞博學不出口自勝諸生問平
子著靈憲以愁且叶韻子幹脫轅轅上谷覺肆奮韋氏
世傳經顏氏有家訓期許從所遠請業從所近庭草何
不除堂上猶未糞

牛衣念王章大鳥念楊震長卿慕相如終身不似蘭和
光貴柳下礪骨磨白刃上視蒼浪天行行常自慎君明
值井溢小黃言已信管郭既前知人生何所吝無以則
翀舉誰見王子晉

隆中有定算吞吳悔失計景略在苻秦猶能申其意荆
公逢神宗所志無一遂徒爲宵小媒大喪志林氣此外
多巷遇上容進鞶帔內虞左右讒外犯同朝忌留鄴別

路行神仙若遊戲

雜詩

初三月在參上弦在七星三五在平道光輝滿園亭池
塘照楊柳兩岸色青青微風吹新絮落水生浮萍美女
著羅衣舉止何娉婷重帷鑒明月寂莫守中庭春色盈
田野艸木自芳馨窻前芍藥花一夜皆飄零

澤園興永社

南郊有小園修廣二十畝開徑蔭松竹臨水垂楊柳西
北望列嶂芙蓉青戶牖築室曰退居閉關此中久晨起
一卷書向晚一尊酒偶然遊吳越天下浪奔走大雅殊
寂寥黃鍾讓瓦缶雲間許同調歸來告親友結社詩永

言絃歌同杵曰河梁如嚆矢風騷爲敝帚聊以寫我心
何暇計不朽

當擬古詩二首

五言古向與農父必期以彷彿河梁十九爲貴
然漢人之調苦不多得時異事變情各不同必
合曹阮陶杜而取材樂府乃可盡其致耳長篇
唯悲憤與孔雀杜陵澹之然以行短章不免粗
厲此二首猶刻意捐愛求如所爲彷彿者

西北起黑雲日暮聲如雷飄風吹野蓬當從故鄉來路
逢鄉人云故鄉城中災大家盡流離宮室皆成灰儻居
西城下不願登高臺登臺望江南江南一何哀吾見江

南人江上空徘徊

軍士久無事安坐常苦饑烽火忽相及一旦言興師江
干卽塞上明日爲行期妻子跪涕泣以爲死別離征夫
告父母此別何足悲將軍不好戰見賊亦不追拔刀便
出門我忒無多時

悉索詩

薄田數百畝連年屬烟塵家僮復乾沒九月不食新句
貸謀稻梁猶欲延嘉賓鄉里故人至一飯飲以醇嗚我
何鄙吝憐我何苦辛望君者甚多不但君家親自恨不
巨富又恨不赤貧巨富可結客赤貧可謝人

置酒行爲永社廣集補作

此地好繁華日日聞簫鼓非爲宴公侯卽是聚歌舞輕
純綺席前有論不敢吐退與二三子放言及上古一夜
思得之書生何太苦明日盛衣服賢豪送賓主遣使召
紅粧冰絃促玉柱雖無絕世人問年多十五飲酒隨風
俗傍人乃不怒四座請盈觴聽我新樂府

謁金天樞先生

全椒真御史屹然周道祗當日彈中涓正搜逆鱗起召
對大震恐公卿救不止風雷下殿陛乃感聖天子岩廊
爲吐舌田間責其趾如此六七年冷局留京邸所憂南
北部與漢相終始幕繫者炎炎上容者纍纍吾道真難
難刊章未有已封疆修報復行間尤易毀老父有生平

撫楚適遭此議剿穀城賊齟齬熊總理不幸其言中寧
勿採頤指督師霹歷火布置鞭箠使香油坪深入兩將
捐軀死楚撫調守襄相忝八百里川沅皆不救三路何
爲爾一年中八捷不洗一敗恥氣結不能白伏階叩牙
齒願告我正人本末獻一紙

得虛舟師書

前以漳浦公圖寄虛舟師師荅書曰漳浦公以
曆象徵易是一筋節余謂律曆醫占皆差別中
節之端幾古人惟定其恒法而盈虛損益在其
中矣子肯放息禱事一心研極自然神而明之
老昏不多及小子悚然碌碌三十一歲奈何

前抄漳浦圖寄我虛舟師師云專則通苦爲他事羈一身不自識攷究多闕疑天道本玄遠碌碌何能知惟信

龍馬言旦暮熏著龜王師著有龍馬言

曼寓壬午春授翰林院簡討

我生三十年但有讀書癖仕宦非所營州縣苦勞饒父
寃終當伸姑且淹紫陌執政或憐才聖恩今破格嘗笑
董賈命不若相如適避世金馬門曼倩止執戟不敢比
古人聊且枕經籍無奈性疎懶使酒痛自責朝罷即掩
戶種竹庭簷隙自題曰曼寓寓此曼衍客

哀吳江吳昌時

主父偃盛時公卿皆譽之及其得罪後人爭言其非太

史公此語吾爲吳江悲輕俠巧鬪力過甚不可爲儀郎
調選君快意亦太奇將隨建德去乃以陽羨疵

遺箴荀子曰尾遺事已足謂箴理

統馭監臨多親民者四顧守令竟無權計如客過路中
飽閭閻困兵屯皆文具肺石不得達指臂成捍拒吏胥
爲奸叢上進又窘步虛養邑子弟殊無明試處九州憑
書判豈能責銓部人才非素徵急求何所據高束胡世
寧條議亦明著可惜王安石負此魚水遇學不達物情
空慕商鞅誤

閣中公諮

秦賊圍太原閣中集衆議咸陽爲沃野突出是何意河

南已凋殘不足復展翅請以往事鑑知時早布置黃巢
要旌節出粵遂橫恣高駢劉巨容徘徊不可制宣雲拊
我背飛狐從旁覬金遼蒙古事兩路所必備赫濯固靈
長勿謂賊無智是日庶常中幾人大憂悸竟欲上書論
豈可作館試

德政殿召對臣名夏臣學濂臣以智翼日補本

賊勢既猖獗藩鎮爲急策軍容可撤回直指亦無益宣
雲來居庸薊州并抵隙紫荆飛狐道急選勁旅扼山東
河北士義俠多腕搯淄青皆感泣豪傑長羽翮倡義赴
都統收攬破常迹無終一泉塢彼自能控格李全與九
公舊事宜紬繹不則爲賊招腹心翻阻隔若爲措餉憂

補苴誠眷眷十庫且改折東南易采獲招商作張瑄中
京有陳籍官府上下通何難一等畫募屯計並行守兵
作安宅臣父舊議明臣願裹馬革三世受國恩刮腸刻
金石何敢復忌諱更有一言白

朝廷重督撫天下奔清華帖括以進身忠義輕泥沙但
望四衙門安坐服青綱身名欲俱泰所恨在建牙一有
談兵者頸上披鋌鍛碩望若出撫躑躅翻咨嗟有司當
寇衝支骨如亂麻冒死守城者未聞殊恩加福地輦金
入唾手乘仙槎喻舌積資俸台司足矜夸疆吏反仰面
旋封聽攫拏合須破此習推輓豪傑車高者學韓范餘
亦習鞞鞞肥水非好名勿受籬屏遮休休總其轡羣力

音耳... 卒鏖鄒守成若中興各捐其身家廟堂浮議少戮力乃

無譁因南陔叔問遂書此

紀難四首

我生何不辰天地遂崩裂萬年明光宮蛇豕作巢穴蚩
尤蔽皎日若木枝已折誰非朝廷恩簪纓儼前刻憤哭
東華門髮上齒猶切嗟哉亡國口鞭驅甘縲繼桔拳桁
楊下叱咤竟已絕九死得甦還腸斷不能說夜夢見上
帝逆賊定當滅南北十三陵鑿此微臣血

前者先皇帝召對德政殿對曰倡義兵憑几大稱善廼
為丞相沮坐視白羽箭賊從上谷來十日驟畿甸京邊
二十萬未嘗交一戰烈烈萬歲山成此千古變東宮與

二王行藏空繾綣滅賊會有時齧齒先澤面即為荷戈
卒不負裹尸願忍死此須臾區區白日見

拘囚二十日乘間得脫走驚黑蒙土灰藍縷出左肘妻
孥跪涕泣斯須且相守天地已顛覆行路平安否余命
當萬死雪恥在馬首但得脫虎穴暇計出門後會面杳
無期黃昏日落西痛哭與我訣持刀向心剖汝死復何
益汝善視黃口大海生桑田或得見老叟心知死別離
結髮斷箕箒但道長相思吞聲一揮手

日暮風揚沙城門闔未遂弓刀雖林立覲面難直視克
作賣菜傭幸有鬼神庇出城榛莽中即是綠林地何況
數千里豺虎雜魑魅黑夜徒步行汲水下乾糲逢人類

音耳居牙名四十三
啞望塵先引避問道多不通荒廟祈神示衣敝履穿
空遇賊多棄置乞食免饑餓假寐猶驚悸幸無紈袴習
能堪此勞瘁

變擬古詩四首

屋角多啼鳥鳥飛尾畢逋啞啞八九子廣州城上居城
中似江南紈綺紛醜交疏飄霧縠土曲陳笙竽調笑
入酒家青絲提一壺主人酌我盡擊案聲鳴鳴東海出
寶劍南海出明珠聽我歌此聲此聲世所無

嶺外蕪繁霜草木不黃落窮巷生陰風客心乃蕭索斗
杓指實沈勾陳半隱爚蟋蟀滿牀下篝燈夜懼懼此地
羅浮山古人嘗采藥何不披短衣入山飽藜藿曉從外

來者皆言道路惡我欲依神仙神仙不可託

東北覆陰雲其下吾故都中路一奔走限隔天一隅虹
蜺下平地曠野秋荒蕪翼日大風雨慎勿臨長途人傳
使者來旌旗蔽通衢嗟我遠遊子不敢同馳驅京華日
益近冠蓋日喧呼道左發長嘆嘆者一何愚

海渚無橋梁日暮波浩浩車馬不能通遠望怒如擣浮
雲日以變我親日以老萬里飛烟塵天末傷草草夢見
故鄉客言歸苦不早舊宅屬他人斗大梧桐稿親戚有
書來書中何所道上言故人少下言誰家好

妻孥至

九日悲遠望妻孥忽然至萬里風波中刀鏃蔽天地牽

衽如再生驚定坐垂淚稚子前稽首口叙台州事何用
別高堂南都知亂避龍山藏深壑林藪早安置兩兄各
有託屢寄思親字疾風蕩飄蓬天末浮雲墜霜雪重松
柏崑石依薜荔感汝烈丈夫成我封刀志重念生別離
沉痛齧兩臂間關抱手筆恨走娥江棄著簪日以短綳
衣日以悴努力推鹿車幸慰平陵意

渴筆歌

少小嗜學二王字妄取張顛懷素意每當興來喜揮灑
散髮不知天下事連霞斷雲絡繹飛颺風怪雨颯沓至
臨池低昂渴無墨忽然一字如石墜寫破芭蕉萬餘株
成堆筆甕山頭棄嘗取從來名士帖前後縱橫鋪滿地

半夜燒燈照草堂脫袍礮礮獨睨視百狀迴翔莫可測
中間數公自然異乃呼清酒手提壺一飲十升便已醉
醉後高歌動鬼神狂走大叫揚灰塵固知當日不可及
跌坐蒲團思古人古人作書無恣度以頭濡墨生烟雨
老幹槎枿不屈伸隆冬霜雪降枯樹曠若羣鴻翔晚天
矯若驚龍騰曉霧孤蓬自振奔沙亂每謂平生不再遇
嘔血盜塚良獨難秘傳天與服靈丹園中幾書六角扇
壁後還穿一漆盤觀倡公孫聞鼓吹歸來展轉出毫端
只今流落近千載殘文真跡今已改瞪目原非紙上觀
庭前但有神光在醒時一匣置床頭猶覺豪氣陵滄澗

題劉薦叔洞山九潭圖

有序

音耶居牙卷四十三
玄月長溪薦叔至以洞山九潭圖爲貽鄭大司
農爲之詩過詫盛甚言肇自唐乾符六年莫稽
所廢迄於今始得名之余不勝慕醉後詼調率

書此歌

君居洞山九潭中自作洞山九潭圖山有五峯望穆洋
潭水下濬東海隅石門壁立啟仙屋陰陰尋竹交古木
嶢崑絕磴何參差青霄萬仞懸飛瀑此山荆棘千餘年
今日惟逢我薦叔薦叔生平好山水閉關長咏采蘭芷
作客燕齊吳楚間嘗持此圖對知己憶昔髫年下長溪
揚鈴直渡飛鸞西曾過武夷及烏石復聞太姥與支提
自茲圖出九潭色七閩諸山難與齊君來吾桐秋九月

河流活活風發發高天白露成繁霜歲暮空悲在倏忽
願言置酒爲狂歌深林落葉滿山阿我欲從君披褐遊
江湖何爲鄉里徒蹉跎

扁舟江月行

作客終年吳與越扁舟曉夜江頭發浮雲何處故鄉山
獨倚帆檣看明月月明但照三江水海門渺莽波濤起
邨犬不鳴夜五更古廟殘鐘夢千里可憐遊子秋夜長
霜降不暇縫袷裳蘆荻洲前愁斷鴈楓香葉裏間枯桑
男兒安居不足數道路饑寒何自苦他鄉城頭霜如雪
故園樓下風吹雨徬徨一曲爲清歌村酒不醉牢愁多
仰視月明月欲落江聲不息君如何不若世俗人碌碌

鮮衣美食居華屋何爲多才好作江湖遊月落孤舟荒
岸宿

橫橋曲

謝公墩後誰家女登樓竊對紗窗語單衫金脫忽開窗
柳絲羅帶一何長手持紈扇羞掩面紅塵路落桃花香
桃花流水春相送橋頭酒薄西風痛金谷還添碧玉愁
東山太傅難逃夢

從冶父道中還家

作客寒冬冬至節日夕北風何凜冽同雲布地捲茅邨
悲號中夜枯桑折五更風止天未明半空浙瀝雨爲雪
長途一望高下平鷄鳴門外無車轍披裘騎馬行雪中

兩手執鞭冷如鐵男兒他鄉自苦辛安居那得成豪傑
荒田不種少人烟野河冰合橋梁絕馳驅百里始還家
入門夜暗燈將滅道路風塵阻且長相逢氣結不能說
親戚家人皆笑余年年歲歲常離別

讀十九首

僦居陋巷希朋友叢薄荒塵入甕牖韋帶無用黃金裝
蓬室瓦爐熏傲帝昔愛老子言五千今誦河梁十九首
古人比興多支離兒女語吐英雄悲不惜歌者苦但傷
知音稀高樓一聲落葉飛

將進酒

君不見東溪兩岸桃花紅今日飄搖風雨中君不見鏡

裏青絲照明月倏忽一年成白髮人生少壯不多時胡
爲結束懷傷悲連袂開襟慰疇昔相逢不樂當何須手
一卷書一甌酒每讀一篇下三斗古人白眼爲青雲我
歌一曲生楊柳楊柳橋下水潺潺落葉東流去不還燕
語鶯啼入春夢嚴霜白露被秋山彈琴仰據梧桐樹願
棄人間覓仙路熊經鴟顧學長年服食終爲藥所誤羨
門子安期生將進酒杯當傾古今吞盡浮雲輕天地已
醉不復醒雙眼交付窮書生

滅賊行

年來內地如邊疆日言勦賊賊日強蹂躪中州橫秦楚
大江以北爲戰場朝廷下詔非一日刻期廟算分兵出

督撫畫地催臨境境中賊去事已畢列營置帥更議兵
邊兵可調張先聲羽書期會輒旬月尚且待命繇都城
乃發兵符予大將各開召募練丁壯鄉井椎埋皆荷戈
無賴市兒親虎帳猛士入山寧老死智士垂簾空翫髀
纔得象人近數千束手嗷嗷又無餉更遣大臣督餉來
江干徵收十路催未完縣吏科斂復數倍小民遑恤無
朝餐古者興師甚糜費深馳絕域千里饋一出輒云億
萬金賞賜封侯尚不計方今帶甲誰紫駟步行欲飯指
咽喉賓客間諜之用且勿論難言五日椎肥牛執堅披
銳無所勸人食雙糧亦嗟怨將帥行伍有舊規雖號健
兒難得健忽報賊來皆茫然中軍股慄弓斷弦青龍白

虎習未熟寒旗易幟迷烽烟用奇致勝求死士前途設
伏依山川中原大纛不滿萬江城羸卒纔三千分爲伏
兵前後隊大勢散矣安能全唯有赤心冒白刃生死不
顧身當先先鋒一身臨四野賊皆突騎我無馬脫險長
呼下接戰馬步不敵况衆寡夜來爇火炬三頭毒弩暗
中黃鬚者終疑官兵皆在前自保貨重不東下繇來當
賊亦常事且戰且守非一次總之旦夕不得成勁兵誰
能四面禦賊分守地斥堠偵探既不寔重賞勇夫非小
費賞既不重徒斬人變生倉卒亦甚易况爲賊樂爲兵
苦玉帛子女唯所取流民四望將揭竿莫謂賊去兵來
之地爲安土竊見山中小民能殺賊往往守險合衆力

賊來上寨操矢石賊去下田種黍稷乃知客兵終不如
主兵安用統兵尾賊如送迎郡邑民丁弓箭社何以談
之難寔行農家清野驅童叟諸生掾吏城可守土著之
人習地利教以邊士防隘口于是各率大軍當要衝潛
以輕師夜襲施火攻用兵如神自有浚七省會勦空傳
烽言勦不成更言撫反手掉臂已逆覩業驚陵寢殘州
縣寧使作官統部伍已矣乎依南都動言滅賊何其迂
隔江望之徒疾呼天下男兒今有無男兒但得黃金萬
斤縮金印便可滅賊人不信夜飲孫武公堂前養馬嘶
悲風床上利刀明月弓嚙指自言斬賊不出三年中又
見周農父卜數嘗起舞言賊當滅可作開府是時太白

音甲辰牙卷四十三
纏在午但恐白衣行軍非其時宮中左右先罪之上書
言兵已成弊左右方將出奇計又恐有腹心之憂此賊
更難制賊不平亂且成上有憂亂之天子下有憂亂之
書生書生憂亂亂將及誰待汝滅賊封侯獨長揖

行路難二首

欲好武誰斬□欲好文文已焚弱不勝衣能起舞何必
力舉三千斤卽有張華博物之鐵硯李廣射石之利箭
司馬長卿之筆札諸葛武侯之羽扇好文可以勒史冊
好武可以事征戰下之公侯不賓禮上之天子不召見
行路難行路難棄書莫讀劍莫彈有人聽此語自誇有
才如此誰憐汝

行路難行路竟不難上有倉浪天請君日夜平心看人
心不肯平天意常多端我但聽天天亦許仰天欲語不
敢語自愁賤性疎且狂狂歌忘在他人傍他人促坐我
散步我不知其故綺席陳華堂何苦歌行路行路難可
下酒短歌漸長歌何久東海叅軍誠不朽隴西太白驚
搔首持此行入諸侯門並可遊戲見至尊有時痛哭反
云樂有時大笑聲亦吞一哭一笑在何處行路拂衣去
去挾瓦缶行康衢旅市獻藝爭懽呼聽我歌歌鳴鳴三
歎百變兼笙竽非齊謳非巴歛非越艷非吳趨其中音
義大半不可解餘聲詰屈收中吾此一曲世所無或云
作此歌者大丈夫

釣臺作

釣臺何嶙峋當時必有百尺釣竿千丈綸乃可垂釣桐
江濱祠堂草木歲時新子孫上食皆不貧先生無行事
先生不著書但能不肯為人臣今人不能棄富貴乃以
藏拙譏古人我亦停舟斃釣桐江水桐江千年清如此
嗟乎不得故人為天子至今沒沒無聞矣

監軍苦

賊今年盤踞于皖凡兩月獨史監軍提兵不滿
千人與之抵敵身裹戎服不避風雨自軍士與
小民間之無不願為之死故能以步兵近千抗
數萬衝突之騎焉然其如衆寡步騎之勢何哉

賊在皖中六十日監軍日日提兵出可憐提兵不滿千
死守死戰驅向前軍中將士皆感泣重圍出入斬首級
大兵且至賊且歸監軍未嘗除鐵衣鐵衣中夜當風雨
傍人誰念監軍苦苦哉行歌一聲赤心在白日明子之
金印十萬兵君王何愁賊不平

估客苦

樂府有估客樂變為估客苦述所見也

昔言估客樂今言估客苦昨夜泊舟楓林下左右舳舻
盡商賈見彼哽咽當風餐為言作客江湖難江湖近年
多盜賊布衣夜脫安可得徵賤鬻貴雖不貧風波萬里
真苦辛更逢當關多暴吏欲浚錙銖加重罪可憐曠黑
不開關苦人巨浪危機間恨不載金長安買都尉等閒

見汝一官何足貴

書姜如須紙

去年爛醉秦淮酒今年同握春明手正好海澱高粱橋
聽撥鴟絃折楊柳誰知命在磨蝎宮爲人臣子胸如春
路見不平空蔚氣黃埃晝晦呼天地以此登高作賦皆
不成市上筑聲皆楚聲我纔引喉聽不得對君淚落一
池墨

荅陳卧子

五年誠我歌太哀纔脫褐衣當此災空磨兜韃悔不來
父冤撫床徒徘徊議郎耿育今墨墨飢不及餐謝君力
公卿門前貴顏色泥滑滑兮行不得

八月四日廷杖黃石齋詹事解石帆中丞下獄

鉤黨立碑禁講學只爲鳳閣鷄壇爭口角寧負朝廷不
負友巧布簧言久咀嚼紅牌面諍貶江門年終劾薦何
足論誰挑聖怒發緹騎羽林哮虎待其至不及下獄先
予杖血肉濺蹋丹墀上布網載畚向西曹通城童叟嗟
嗷嗷會有神醫合靈藥氣海微溫尚可活棟梁倒地股
肱折聖主後日思之何可得

石鼓歌

宣和辟雍置講堂虞伯生記遷徙詳馬子卿云宇文造
蘓綽傳中做大誥潘迪東坡本盛行前此疑義姑勿爭
方取偃師黃田榭响樓商彝周鼎摹蝌斗天留國學守

門戶虬龍盤踞槐陰路昌黎歌此懷李杜勿怪蜉蝣撼
大樹冠蓋視之如隕星攷究之士休太驚我今卓筆雷
一聲願好古者不如敲金戛玉緡遺經

狂歌

出門嘗携一卷書豈可五侯七貴同馳驅作詩不入時
人眼且與燕市丁東按檀板三斗酒後燈放花渾脫舞
作漁陽搥細入琴箏大雷電滿堂烈烈崩風沙忽然住
得一句手揮四座騎馬太枕書假寐東窗曙

與姜如須論詩

宋元以來學老杜小則鄙薄大窘步犁眉浦江開國工
崆峒信陽是雙柱宏音亮節繼王李優孟琅當後比比

徐袁換爪搔疔癢竟陵寒瘦騎糠粃自此旁開杜撰門
枵腹湊泊翻自尊剽賊竄竊固鼠璞冥趨倒行真覆盆
杜陵別裁有六絕啗點多師曾論刻翡翠蘭苔上可看
鯨魚碧海中未掣龍文虎脊誰能馭歷塊過都經九折
此謂大家收衆長風雅正變求真訣壬申卽遇雲間龍
已卯又與篔簹逢騷雅漢魏合陶鑄協律唐宋窮乃工
逐年蒿目多扼塞卧子謂我太切直始信昌黎橫空盤
崩豁雷碾顧不得年少饒顏色年長煉筋力疎懶闔世
空逼側終是耒陽一段墨羨君來太乘仙槎憐我陸沉
偏嗜癖且讀書休自誇他年騎鶴吞雲霞安知不笑此
時猶眼花

送杜于皇

男兒自有安身處下第便逐蹇驢去朝市山林隨所寓
一杯澆盡秋風路我歌九辯君請吞君先淚流君楚人

賜帛誥

為周陽美

江北腐江南舞素帛一端前門五鼓出征遲遲尚可解
疑橫帶黃金賜坐何心鼎覆餗草野卜三月歌一年哭
請觀欹器滿則翻以為放□出口真乃寃

哀哉行

甲申四月二十三日濟下作

奔城南走城北炮聲轟轟天地黑女墻擐甲皆中官司
馬上城上不得亂傳敵樓鏡騎從至尊宮人夜出華林
園須臾中官大開東直門賊營四市如雲屯比時張牙

禁出入蓬首陋巷陰風泣居民畏死爭焚香父老衣衫
暗沾濕吁嗟乎先皇帝烈丈夫萬歲山前從者無神靈
九廟長悲呼卻憶去年雷震奉先破寢室寶座赤蠟飛
三日享廟衛士夜驚鬼黑牛十丈端門出九卿大老無
愁容金紫得意長安中談兵獻策者仇寇只引舊例相
朦朧日夕甘泉烽火至沙河土關紛賊騎猶然閣試新
門生品第人情出名次傷心此輩送國家師生衣鉢求
清華一旦薰蕕盡膏火崑岡玉石誰爭差可憐忼慷忠
義士前後只合橫尸死難如馮信藏青盲空羨子真在
吳市已焉哉哀勿哀仰天氣絕竟歸來十年誤國登鼎
台子孫累轂高門開小臣拜祿十七石卻生此日當其

災

示同行二客

四月二十九日王家營作

出門幾日腰無錢自然僵死大道邊幸有櫟山霍市客
顧我慰我如平昔行路遠視蚤晚脫衣加我寒擣韭與
我飯三人合上薄畚車滄州得策南皮蹇扇津陽信無
人烟安陵改道之吳川賊方下東昌莫上臨清船東阿
陽穀盡枯骨五年此路行人沒頽垣夜絕鷄犬聲村夫
驚訝三更發濟寧殺氣如覆舟西門高挂義兵頭黎明
速趨邵村下下坡問渡逢賊馬拔刀停刃腰背間厲聲
南走無活者苦言客商貧束擔從天津下鎮南陽合駟
會未曾夾帶長安人棄置布囊如敗絮破帽單衫走前

路馬上虎長饒汝去此事嘗經不須懼卽夜乘舟投魯
橋丁家下闌人咆號重趼便舉足不用煩叨叨五日奔
波馬陵郭井水十瓢咽藜藿烹魚祇博野夫食兩槳動
被樓船奪嗟乎南望黃河北望舊京宿遷以北無一城
僞官發牌揚干旌十城九城開城迎祖宗恩澤二百七
十載只有寧遠將軍在傳道平原梟騎歸房山青州義
士棲東海歸德汝寧都未降太行商雒皆有待若使諸
將齊用兵何難指顧山東平卻擁高牙大纛淮陽行淮
陽能守河南岸建武建炎天下半徐泗掠行無子遺白
楊人哭官兵亂燒桃源燒清河禁舟楫無人過避難來
難未已行人愁愁還喜荒村一葉藏蒲葦卽使官兵劫

殺人歸竟猶作朝廷鬼

寶刀行

寶刀贈人許生死不肯報恩報知己此是荆卿比干血
千年洗用西江水江水照見磨刀心起舞一回天地陰
天地陰風雨作裂眦四顧烟塵惡少年場中敢輕薄行
當北定燕西定秦中梁著柱辭麒麟請問今年致亂者
何人人人走京不守孝陵松栢平安否仰看日月當重
輪滄海愁人夜稽首此刀日望勤王兵此心告天非求
名名書刀口煉神火雌雄許國埋豐城破山膏野舍妻
子牽牛南斗搖長庚請言上自公卿下至諸生拱手千
萬影冠纓何人讀得寶刀行

贈黎美周

麒麟五父逢鉏商膚身牛尾空嗟傷陰雲靄黷罔兩出
磨牙礪爪號豺狼曲江歎殺杜陵老行吟漁父怪枯槁
驚弦拉雜飄蓬飛長爲東海西山鳥蒼天蒼天視騎人
白虹貫日憐孤臣痛哭甘泉舊宮闕疾風墮瓦揚沙塵
安丘市中得死友上堂拜母酌大斗翻身捉刀出門去
與君誓飲口口首吁嗟乎男兒薄命生此時讀書萬卷
安所之天下有數文章人漂流白刃中追隨奔星墜地
變成石兩眼視天滿天赤再生落魄無所遺贈君入土
千年碧

贈吳麟長

遐荒落葉西風雨孤影三更閉蓬戶山鬼夢中來告人
讀書克棟誰憐汝幸有湘陰避兵客見我憐我心莫逆
各披荆棘剪茅居望衡對宇相朝夕朝夕渡溪溪水寒
隔溪幾步行路難履我屨一雙衣我布一端龍門數百
卷借我繩床看握我手飲我酒酒傾十壺飯一斗醉飽
欲歌羞出口憶昔少年秦淮遊千謳萬舞芙蓉樓彈琴
擊劍插大鼓揮毫刻燭凌公侯可憐世亂人憔悴心枯
血稿無一字引喉拍掌不成聲飲纔盡卮頽然行感君
贈君同君任五夜沉吟兩三句曉起伸紙何所書畫作
歲寒松柏樹

勸隱

君不見司空早避王官谷清流白馬從笏哭又不聞繡
衣縱車藏閩中侍御避命如傭工近見平溪人買沅州
道全家赴官幾日笑又見諸生幹入將軍營竊恐親戚
誅逃兵彼一丘此一壑可荷鋤可采藥植杖何煩老父
愁灌園自有三公樂殺君馬壞君車焚君錦繡來釣魚
山中十錢一壺酒天地尚在我輩手

牛角飲

一牛角兩牛角滿斟四五壺雙手不能握挂柱鳴金催
盡觴左右蘆笙當音樂流水清出山濁芒鞋不畏雪霜
天醉後臨流足可濯苗兒各唱四聲歌笑我江南不能
學

何不可行

君不聞魯仲連千古稱其名既輕富貴甘貧賤何為出入邯鄲城珠履錦繡日滿坐華筵斗酒嘗虛左先生玉貌不求人飄然來往何不可

鹿門歌

鹿門太襄陽不過數十里何以兵馬能不人城市白沙隴上無灰塵難言隱者不依人只恨少朋友何憂妻子貧當時若無司馬徽可憐德公把酒呼山民山民德公子也

劉生

寶劍夜光流平生喜報仇殺人西關下走馬北城頭談笑連三輔交驩盡五侯布衣薄富貴歸去駕犂牛

春酌

四望野青蔥長堤兩袖風春留三月佳人醉百花中白鷺行間綠黃鶯啼處紅不須簫管伴獨咏板橋東

贈陳卧子李為章為章後改舒章

天生才不易士好古尤難偶作橫塘曲先登大將壇讀書非世眼刺血與君看擊鼓張燈夕高冠竦劍寒

雨後閒題

飄風吹急雨沙路不成泥白石洗松徑青雲挂柳堤鹿湖秋後雁牛屋午時鷄飯罷隨筇杖招人握手題

漁灣作二首

半日掩柴關開時獨往還擢聲呼我出潭影對人間黑

是江南雨青歸屋後山前邨新釀熟一醉老漁灣
鳥啼青翠裏乍雨乍晴天湖水平浮檻人家各繫船
陰穿日碎荷葉積珠圓洗濯滄洲鳥攜琴作枕眠

子建寫故園荒艸見寄爲此答之

故園多白骨飛作戰場沙戍卒燒秋艸兒童學暮笳荒
臺堪牧馬枯木尚棲鴉空有池塘夢今年敢到家

何次德新成書舍以大幅索詩書此

築室新開徑從來未許過玉堂嘗膳近金殿賜書多壁
上繚蘄杜墻間種薜蘿君應穿木榻高卧看余歌

寄弟武昌署中

病裏相看泣歸來欲斷腸誰憐余骨月言切汝膏肓雲

接烽烟急魂悲墓道荒

時承德有賊信并山墓事未竣故云

學書兼學射

應足慰高堂

章侯爲元亮畫淵明圖

藍輿容不下面目太龍鍾漫采穿籬菊先添拂地松詩
藏琴腹裏天落酒杯中特與安名字流傳太古風

御賜宮扇五柄

錦江金折扇雲片九螭盤日下熏風起恩藏懷袖寬塵
休來便面秋不嘆齊紈詩就無題處輕搗拜手看

古皆團扇

或曰折扇出于高麗智按唐韻有搗扇矣

看月

一片鍾山月那從嶺外看昔嘗臨北闕今獨照南冠萬

音賦風雅卷四十三
里天難指三更影易寒夢中兒女路莫憶舊長安

聞鴈

衡陽無鴈到今過嶺南飛世亂成行少家亾寄信稀
鷓鴣聲共苦鸚鵡語全非鄉國爲關塞明春帶我歸
和巢友星崑見懷之韻

留得天南在逢君結伴行海風多殺氣野吹作邊聲石
室原無字各山可畏兵酒酣悲痛後翻話少年情

人日劉吳賦椒花字

冒雨牽舟上灘聲走亂沙拊心留我輩披髮到天涯衣
信蠻鄉瘴春傷故國花驚魂燈下語逃竄可知家

陽朔見畫山作

陽朔山名畫扁舟筆欲傳千峰皆拔地萬笏各朝天
翡翠臨江艷芙蓉得雨鮮倘能長對此烽火亦神仙

逍遙洞

在武岡之洞口

天地一時小惟餘谷口寬名山藏日月野老想衣冠石
向何人語春知此歲寒幾家烟火在題作鹿門看

作畫上瞿年伯

結屋依松柏蒼然枯樹林春來天末地筆寫歲寒心飛
瀑床頭響名山夢裏深丹青須後日壁上記如今

又和朱子暇韻

能解南華夢刀頭生死閒酒澆殘筆墨詩寫舊江山飄
瓦長途裏桑田落照間去年棄舟處可是此沙灣

丁亥棄舟

此于

茅居

僅留皮骨在生死戀殘書酒且陳牛屋炊原傍鹿車入
山音信斷避世友朋疎翻怪隆中淺誰容抱膝居

湖上老人語

卜宅雙山學種田扶筇長揖向余前雪中敝履上無下
竈裏晨炊滅更然羊褐朝行龍嶺樹漁舟夕盪鹿湖烟
平生少小辭城市不入東門四十年

寄梅朗三

古渡無梁水亂流思歸空買木蘭舟風吹客舍江邊雨
月落秋山城上樓滿目塵埃藏霹靂有懷蕭瑟入篁笳

衣裳慘慄何曾授可惜霜凋換酒裘

六叔舊聘長干女子期而不至爲此招之

天末相思明月流胭脂井上艸三秋將爲金屋求如願
空使銀河怨莫愁五馬踟躕勞廣陌雙魚迢遞斷高樓
君非輕薄邯鄲子多爲臨邛賦白頭

東陸夢鶴崔五竺諸子

寒入空山古樹林層樓風雨氣蕭森千聲鶯送他鄉夢
一夜吹殘遊子心寶劍床頭嗟病久玉簫窻裏怨秋深
故人盡道蘭橈發湖畔依然梁甫吟

雲間同夏夔仲朱宗遠徐闇公陳卧子醉後狂歌

分賦

微霜昨夜被高林湖海秋同知己深壁上劍悲天下事
池中月照故人心倚樓石動凌雲氣擊鼓風吹變徵音
遊俠青冥雖在掌結交何處散黃金

閩門憶吳湯日舅氏在閩

曉鐘初發闔閩城爲客朝朝怨五更閩海悲風吹夢到
吳宮殘月照人行市中空重胡琴價石上今聞鐵笛聲
莫道長通能學賦虬之終托上林名

宮詞

春歸花片破苔痕車讓階前艸謝恩深院仰看天碧落
珠簾半捲月黃昏手知簫譜還催拍袖拂爐烟不出門
坐到景陽鐘起後一聲銷卻杜鵑魂

待月

門對藤蘿古壁陰羣巒蒼黑影蕭森冷風谷口秋先到
明月池中夜易深引我登樓收廓落留人滅燭與沉吟
當空白露沾茶盞照見山家太古心

謁阮堅之先生聞講離騷

楚國宗臣世感恩首呼皇考一聲吞椒糝正好殷勤獻
芳艸何緣反復論入廟問天誰荅語遠遊未死自招魂
空疑漁父同詹尹消得千年老瓦盆

與農父有感作

一曲西風流水寒移宮促柱欲重彈劍知鷄血書無信
車過羊腸路不難白髮未生行客老黃金已散故人殘

衝冠拂袖誰憐我泣下寒衣汝莫看

渡江作

孟浪羞言湖海舟仰天長笑過滄洲大兒下筆期文舉
小弟驅車薄少游自有八書成太史豈爲千鎰見諸侯
拔刀嫚罵終何用斫斷江流不許流

卧病初起有以范蠡攜西施歸湖圖索余詩者爲

此書之

扁舟還顧闔閭城夢裏招魂病後驚莫笑東方飢欲死
且憐西子面如生有官到處皆能富破國隨人亦薄情
今日若從貧賤老五湖遊遍不成名

從江上歸里作

新壘依田田半荒懷歸正二月履繁霜暮行有虎村烟少
野宿無鷄寒夜長但有蓬蒿如昔日卻將桑梓作他鄉
城南敗榭多枯骨愁對悲風說戰場

聞劉伯宗沈詹生薦舉時詹生有書至

江上嚴城初解圍傳聞新詔下丹扉書生但願爲邊卒
天子如今重布衣作策悲歌空自苦封侯長揖欲安歸
報君莫漫傷時事太傅從前痛哭非

感時寄陳百史

莫事譚經學仲淹揮毫騎馬爾能兼詩書未讀陳災異
刀筆成家舉孝廉將射大黃朝命中仰看太白夜愁占
暑時傳得東方數糊口他年欲下簾

同農父碩人湯日舅氏子明又漢飲奕于舍中感
而有作

瓦礫當門石路殘開窓戍火徹城端良弓一石強誰挽
麤飯三升病亦餐辛苦自憐游子熟流離欲飲故人難
家僮禦寇傷身手環立燈前說箭瘢

木末亭拜正學先生

松陰遺像淚縱橫日對鍾山晚霧平九族可憐亾姓字
三楊終不是功名遙看江畔烽烟色應厭亭傍歌舞聲
此地竟無能拜者六朝風俗壞書生

聽陳旻昭談禪賦贈

塵沙勿向市中行薄暮匆匆早閉城劍欲報讐惟有死

夢能從汝說無生鷄棲墻下鳥爭宿牛飯車前馬夜鳴
莫道講經人不信西來今日亦談兵

寄陸夢鶴

臺上神仙不下堂鑑湖春水照圭璋久聞才子爲循吏
畏說書生棄故鄉尺素製成千里錦敝裘空染六年霜
行車醉作無絃曲猶憶西冷花酒香

陳卧子成進士

看花馬上錦連錢得意珊瑚再著鞭早著山中金匱史
傳聞闕下玉杯篇故人望汝非今日天子知君定少年
久矣棄書都不讀赧顏近欲擬甘泉

寄夏葵仲

寄書嘗恐入京師告密門開輦下疑市井得官爭伏闕
公卿持論亦從時貴來蒿目隨人苦枕上葵心向上悲
好問吏胥文法計不勞君和四愁詩

鐘山偶集得元字

千里乘風集白門張燈今夕作平原擊牛享客歌招隱
牧豕封侯慕建元六代月明人不見十年衣敝字猶存
座中奏鼓吹笙歇好聽狂生醉後論

答湘潭謝孺玉劉杜三

纓濯湘沅欲繫誰敝繻已棄采江蘼自從一日當青眼
忘卻連年苦赤眉病酒何勞吳客問讀騷還藉楚人知
長沙卑濕生君後不似憂愁太傅時

贈承天劉阮仙且爲轉有所憶云

勿言鼓枻返三湘安得秋風夜莫長羌笛已催楊柳曲
江蘼堪補芰荷裳我能楚語還吳語人憶劉郎卽阮郎
兩岸家家門照水不知何處問橫塘

得卧子書讀其白雲艸感而答之

長書讀罷短歌成自倚東風變羽聲青簡數行知我苦
白雲一卷以官名顧瞻宮闕傷時事交接公侯說世情
好學貴人誇得意牢騷何故不能平

寄侯雍瞻

別君寒暑少良辰身著羊裘復葛巾鴛鴦亦懷千里駕
裸程羞學六朝人愁來嗜酒難醫病隱去無田不說貧

且賣秘書買茅屋自將壁上畫麒麟

呈金天樞先生

日落通衢起暮塵門前側笠望車茵既能束髮譚時事
敢說逃名避黨人入穴彼方張虎翼擬書惟恐逆龍鱗
爲余塗卻甘泉稿請作詼諧諷諫臣

聞警 戊寅冬

都門閉後晚烟低白羽黃沙夜刺圍侍輦諸公能獻馬
隔江千里畏聞鷄人傳濟北城將破客夢漳南鬼正啼
道路不通音信變勤王勞憶皖峯西

控疏請代父罪

致身三世奉淵源總是君恩敢道冤年倍吉玠徒控疏

悲同虞顛獨揚幡莫開羅網憐窮鳥忍聽銀鐺泣夜猿
功罪不明疆事債勞臣萬死又何言

慶夢詞次芴生韵二首

斗柄招搖四吐芒禁城省樹自深藏掃門羣坐平津廡
向火難窺帳月堂千里牛知奔輦轂一鳴馬卽送沙場
浮雲此際尤昏黑獵獵陰風繞御墻

奈此蒼蠅來徃何鼻間栩栩恨經過西行誰解青蛇禍
東走空傷白兔歌酒倚金吾嘗作使夜逢亭尉定相呵
錢刀意氣嗟魚尾蹠躐驚看溝水波

同魏高姚葛諸年兄飲後湖作

御溝來處有沉潭金碧臨湖蕩蔚藍衰柳知風從塞北

綫荷催客夢江南酒澆北苑揮餘墨筆指西山墮晚嵐
且喜紅塵飛不到容吾據地作奇談

同姜如須早朝看月分作

生花夢醒向朝端親見銀河接露盤金闕鐘聲天上近
玉橋人影水中寒詩先鷄唱臨風曉坐笑鸞坡席地寬
猶是未央前殿月千年留得與君看

回春頌 為黃漳浦學士作

瘴起衡陽雁不飛忽聞詔令逐臣歸遙傳此日回天易
翻恨當年折檻非骨立自書新謝表血流難簡舊朝衣
君恩深問沅湘水空使三閭引領睎

告哀詩七首

守陴神策亂紛營

時盡用內官守城

樞密雍容禁請纓

大司馬疏請禁

諸言兵事者

東觀士猶朝試閣

三月十五輪次穀城欲罷之而綸屏中自兼故仍舉故事

度常有痛罵不入試者

北衙軍已夜開城

十九早紛傳攀髯竟抱

龍湖痛齒臂虛傳駱谷行

先傳聖駕以犒師出城後

紫貂蟬何處哭小臣血伴闕烏聲

宮中切齒恨朝班納陛簪纓總厚顏

先帝決遷守及出東宮監南都計而

宰相無一言應誰任虎闈當國事幸留龍種在民間

者故退宮痛恨日召新樂疾劉文炳駙馬輩永固入托以陽瘖尚恐

窮巷潛竄何因出武關可嘆威臣倡議者闔門一炬自

投環劉文炳與弟文耀叔繼祖及輩永固俱自焚其它而縊死永固猶寄語舒章為作一傳

氣冲匹練北辰高涇渭分流自武牢 自武牢之破盧李死難與奚珣分

特重乾元陪血食誰為老父歎薰膏甲龔勝者天留正笏垂

青史人誦遺詩出紫袍范倪諸先生殉難或在衣帶中忍死孟威

雙淚落此心原在納鞞刀周虓字孟威不肯受官而後舉事殺苻堅不克者

鼎鑊當前設地牢呼名不應卽封刀廿六押人點名不應者卽封刀驅拷

明甘一死平生畢恨讓諸公昨日高鑿坎詎知□地活

用藉露髮忽藉鄭商逃金吾壁後人多少脫得

竹伶舊散曹張直方壁藏公卿為黃巢殺

京口維揚斷泊船封江不許北來南渡官軍縱掠大江邊高傑劉

淫掠揚州逆流別覓蘆中渡外邑傳封殿下箋時從泰州渡初傳議監國

信淮北督師謀入相山東諸將亂爭權為策立事諸帥出揭史司馬已

而彌縫之刀鋒行丐三千里得伏高皇陵廟前時五月十日也

一弟趨庭善解愁亂來家學信韓休韓休請子俱不降賊一半走死于路

平原力盡奔行在魯公都督心疑用豫州安東原無意用士雅北伐見

主麻鞵歌露肘用子美流涕受拾遺詩憂邊繡帽久焦頭繡帽李晟事

兵戈熟計歸田養投筆何緣比少游

聞寧遠信

開天御座舊鑣宮朝請何人敢異同幸有將軍從塞北

漫勞名士在江東青綸俱竊龍章服白版競言鳳翼功

仲長統有青綸龍章之歎總揆獨聞大司馬一朝辭闕

出臨戎史闕部也

侘傺詩二首

待刃原非望秘書三司館幸遇乘輿風飄秀木應先折

門有芳蘭枉見鋤投餌正多魚漏網張狐總是鬼盈車
衛州自具忠臣福今日空憐命不如

肅宗使甄孟成居
三司館命諸降賊
者拜之總因天子親見
是非故其節獨表耳

險路幽篁不見天蒼天熟問竟茫然明知赤汗羈良馬
自割丹心與杜鵑楚國車傷休覓飯雍門琴上免張絃
刮腸洗胃投滄海平昔交遊莫向前

時有欲相晤
者歌而避之

清明曉步

徒行曉逐野花開隨分青帘有一杯不爲聞鷄嘗起早
卻歌窮鳥漫飛來酒澆城北誰家柳笛落江南舊日梅
俗老自誇風景好指人遊冶越王臺

鄭大野寄書索畫賦此答之

烟塵極目傷誰還曉視狼星弧矢彎拜手異鄉新雁字
驚心先帝舊鴛班憂天無力空投海盡地惟期早出關
載得丹青頌君筆爲君直寫五名山

飲朱子暇七星崑

秋風吹客客嘗經添入悲歌酒後聽詩在人間如落葉
天留我輩亦晨星扣扉莫比西州路索筆休誇東冶亭
安得華陰腰下拭且將崑石礪青萍

自題三萍

枉慕尋源注水經乘潮叩棹往來聽嘗澆檻外西江月
倒看崑前北斗星世外釣魚非用餌海中放鶴可歸亭
傷心斷絕池塘艸風浪何曾見一萍

天雷苗雨夜病中作

五岳看看起塞塵向禽豈謂病兼貧曲肱茅屋鷄同宿
舉火荒村鬼作隣愁是三更風雨夜夢回九死亂離人
呻吟達旦誰憐者惟有寒螢助苦辛

中秋

刺桐葉落坐山阿貫得村醪灑薜蘿仰問月知今夜苦
從來秋入楚聲多流人自恤衣冠影蠻地偏能邊塞歌
江左狂生亂中老那堪搔首短婆娑

聞曲

慘慄西風解客愁爲吹人語入箜篌如聞關塞新□樂
猶在秦淮舊酒樓萬里驚飛生死夢千聲寒動古今秋

飄蓬欲比青青柳折寄湘江水北流

哭卧子

共指西湖靈隱松揮毫刻石記相逢文章自小誇司馬
名字當今比卧龍一死泰山於汝畢再生苗地爲人傭
悲歌奠酒沉江水與淚東流到九峯

極目

鹿起龍眠隔四年老父隱處丹丘墓下有荒田先母葬處笛中楊
柳何堪折亂裏蓬蒿卽是仙五嶺瘴深迷羽檄九江水
漲壞樓船鄉心疾上羅公頂極目神州幾點烟

感雲間和詩書次前韵

托隱西州慕巨卿避兵偏入大軍營離人異地愁饑餓

詞客當時半死生陳李風流如在坐謂卧子舒章也雲龍唱和
舊同聲大雅之壇坫惟龍眠與雲間倡之周農憐君遇
我十年後緣結干戈嘆筆耕

夜息武攸道中憶大羊示有斐大羊初約中秋過洞口舟作社

爲待知音造小舟葦綠避亂不曾留漢家營看秦時月
楚國風傳貧士秋破壁旗亭新酒醉戰場燐火舊宮愁
從軍到處遙相和却玩干戈作壯遊

小東皋卽事

便門小馬慕安豐尊酒胡床在水東開徑嘗封千樹雨
渡人分送半江風種蘭自不妨高士班草何須問老翁
別墅如雲堪折屐時聞清嘯上樓中

拜表忠祠余五世祖斷事公當靖難沉于江余至

父廷尉公請入祠云

聖世懷臣節殊恩建表忠廟門荒落日堂廡起凄風灑
血變青草招魂指白虹遺書傳地下舊閤在雲中鱗鳳
當圖閣龍蛇莫畫宮踰踰思我祖肅肅附羣公種樹還
朝北沉江流向東衣冠今日異拜跪小民同野有春秋
哭神憐俎豆豐累朝誰報國三衛竟和戎故老心徒赤
宵人面不紅傷哉無士氣已矣論軍功直諫何曾見悲
歌未敢工孝陵迴首望松柏正濛濛

書無疆長幅卽送其北上

雲開漳海卽南溟萬里東飛振羽翎師事黃公曾進履

指石齋先生 旅遊白下好談經持鉛囊挾風霜氣刻燭光非
 月露形吹律鳳簫為竹管揮毫鴈硯寫蘭亭壯懷棄槩
 操工市博學窮編識巨靈每笑服妖誇粉黛久傳紙貴
 善丹青鹿溪邊筍嘗吞篆鳧閣韓檠照夢鈴發憤加鞭
 還起舞沈酣荷鍾亦常醒孝標廣論愁成覺公幹題詩
 欲勒銘設釣若依漁者志彈琴羞引俗儒聽百函答贈
 唯憑几五兔歸休復閉扃大隱明時應發甲奏名今歲
 正逢丁有司幸甚投徵幣天子欣然書御屏得脫塵埃
 甘竭履豈憂貧賤苦行伶方驚暴寇侵畿輔幾見精兵
 出井陘日擊亂源嗟郡邑胸藏秘畧獻朝廷堪傷江漢
 志嘗蓼且泛秦淮遂結萍把袂河干同款款垂帷燈影

共熒熒桃源近訪玄都觀

時余在道院

藜火透輝著作庭早

製齊統酬鄭苧相貽蜀錦換湘醺熱腸可愛如冬日冷
 眼長飢怨歲星蹇勸捧著尋季主何須爛褶效瞿矧客
 多譏謗偏投杼家恃清廉守挈瓶喜獲披襟臨戶牖奚
 妨帶索步郊坰送君北上裝催太哀我西瞻涕漸零馬
 首佩鐔橫睚眦蝸居促座負焦冥封軺親試賢良策虛
 館將留僕射廳必以文章沾雨露莫陳利害動雷霆故
 人稱意為吾福新政傳聞屬爾馨野外美芹終草莽籠
 中採藥備參苓超升詎歎今猶古消黨難爭渭與溼字
 謂无疆原自祝聊歌此曲致叮嚀

南州行

江岍多垂柳春風春日長美人浣衣處無限雙鴛鴦

麗人曲

日對寶鏡中殘妝怨春色自誦延年詩佳人難再得

下客謠

人不識時務進退良可惜走出魏其門謀爲武安客

榜人謠二首

大江東北風可上亦可下四面皆挂帆使船如使馬
相遇風帆疾行人欲問難船頭但招手不及說平安

西湖雜興三首

露冷芙蓉色不紅孤山無限老梧桐當時油壁車前路
猶在西陵風雨中

白恰烏巾馮子都偏能作使酒家胡千金換得燈前笑
敢說羅敷自有夫

款乃漁歌杜若洲露寒燈火不知愁朝朝盡醉餘杭酒
厭薄樓船歌舞遊

風雨夜泊

霜枯蘆荻少人行愁入江濤木葉聲况是北風荒岸雨
孤舟千里夜三更

擬春宮曲

闌干昨夜怨東風上苑櫻桃雨後紅鏡裏不留春色在
隨花飛入未央宮

秦淮漫興二首

燈殘酒盡強高聲作使邯鄲至五更座有武安門下客
何人敢說病書生

幾年江北渡江來哀盡江南反不哀倘有酒徒還勸我
故鄉書信莫須開

贈內

不買明珠不綺羅樓頭何事日悲歌家貧欲作饕餮計
安用交遊一飯多

珠江雜咏二首

琵琶洲上客無魂花落隨潮有夢存春被海風吹易盡
鷓鴣聲裏送黃昏

此方簫管晚琤琤雜我題詩歎一聲海表春風不相識

自憐吹老舊狂生

聽蘆笙作

誰伴愁人坐月明
笛中兒女舞蘆笙
自言頗似江南曲
不是□筳出塞聲

自 精 不

龍眠風雅卷四十四目錄

木厓潘 江蜀藻輯

宛陵梅 清淵公

叅

同里方逢月舒來

吳季鴟 五十五首

程芳朝 八十四首

龍眠風雅卷四十四

木匠潘 江蜀藻輯

程芳朝

字其相號立菴順治丁亥進士廷試第二人授內國史院編修巳丑遷內秘書院修撰編

世祖寵

遠持蕩節皆吾桐前此未有也初入詞垣最承
寺正卿加一級公崛起素早掇巍科兩握文權
詹事府少詹事丙午充冊封安南正使轉太常
提督北直學政升內國史院侍講學士侍讀學士
譯五經壬辰會試同考官升左春坊左諭德甲午
以揆席期之壬辰之役所得士胥鉅學鴻生洊登
台鼎視學畿輔獎拔寒峻士皆通經學古一洗時
文剽竊拘攣之習有文事不使安南驅馳蠻
烟瘴雨中往無共張繇役之勞還無意苴明珠之
謗期于宣暢皇靈而巳顧以枋國有人不肯左
官外附量移奉常論者惜之
今上親政嘗御殿宣傳命作大字公伏几楷書字畫端

勁有古大臣筆諫之風上欲大用之而公巳
移疾乞休矣歸里杜門養病弗與外事惟邑中大
利弊不憚抗顏直陳之卒年六十有六學者私謚

龍眠風雅卷四十四

音耳
文純先生公雅志經世不求工于聲律然間一與
寄春容溫雅得殿閣之體讀其詩猶可想見其風
也度

古意二首

長干有名姝顏色絕世好歌喉宛清揚舞袖行雲嬾倚
此婉變姿顧盼獨矯矯粉黛非不多入宮應如掃豈知
君子心恩愛難長保
結髮事君子未解工修飾淡粧坐簾櫳天然傅粉質惠
顧獨恩深明珠比顏色花蹙金縷香風生霓裳碧感此
珍重心微軀寧敢惜

驛傍古松

蒼松蔭古道偃蓋結重屋白日澄清陰征途宛幽谷幹

老不知年翠濃如可掬對此貞秀姿胡爲苦僕僕小憩
倚雲根濤聲愜幽獨流脂當落英晚食何必肉

宿湘潭

日暮渡湘水湘水清且深美人不可見空勞君子心青
青江上洲已戒寒風肅蕙蘭委蔓草松柏媚幽獨自我
驅車來日月如轉轂老大歷征途况當歲云卒少年不
可再栖栖悲行役

旅雨

客夜風雨多簷雷響不了人靜寂市譁角吹入雲杏林
樹冷蕭蕭鳴蜩聲悄悄旅緒正無涯疎鐘已到曉
壽張漢如

我愛張公子，悠然有僊骨。處世任天真，閉戶養幽獨。讀書託雋上，物理窈清淑。臧否了不關，安問枯與苑。世人所營營，君亦無不足。卽此是丹砂，長年豈別術。

湖上別碧山草堂歌

龍眠之山高，嶺岈我家其下。習而安，夢想西湖天下觀。竭來湖上恣盤桓，時當炎熇命輿信，欲息無門足嬾跚。草堂近在吳山巒，入門主人如舊歡，延我高坐具盤餐。茅屋數椽窈且寬，几榻蕭疎竹數竿，吟風漱雨翻清瀾。蹲踞怪石虎豹攢，屈曲蒼藤龍蛇蟠，桐陰清映石闌干。六月無風肌粟寒，小池清淺方如盤，汲水澆花露覆覆。香篆成霧氣勝蘭，獨對芳樽琴自彈，晨臥夕坐興莫闌。

秋風浙浙衣裳單，我欲返櫂別去難。安得乘風假羽翰，暮宿龍眠朝來看。

過采石作

牛渚磯頭浪拍天，風流供奉憶當年。殿上脫靴叱力士，太真捧硯侍御筵。西涼葡萄瑪瑙椀，清平幾曲霓裳篇。忽爾夜泛金陵船，江上明月正嬋娟。錦袍簫鼓劇可憐，長河耿耿太白懸。我來寒江水涓涓，風吹雪片大如拳。舉杯遙望隔江烟，安得酌酒弔昔賢。百年文采亦徒然，大雅不作誰當傳。

中秋

七年中秋故鄉月，稚子堂前誇令節。今年看月在長安。

一輪金鏡凍廣寒盈尊有酒不堪把望裏銀河明月瀉
故鄉此月亦團團燕臺客舍思漫漫簫管誰家賞竟夜
歡娛明月真無價年年月好讓中秋分外清光照綺樓
只有客愁看不得蟾蜍挂影寒芒徹客中見月月增光
月中作客思故鄉莫教作客看明月鏡裏秋霜容易白

題梁玉立大司馬蕉林書屋圖

南窓種蕉何容與坐臥綠天任卷舒疎風密雨蔭前墟
臙臙旭日正扶疎中有高人倚窓虛擁書百卷伴蕉居
羽衣雀髦步徐徐四筵獨座皆趨趨 天子憂時儆衣
袂中樞富鄭直承盧黑頭象管佩金魚借箸帷幄常躊
躇十年妖氛盡掃除橐弓臥鼓歌樂胥公但退食讀藏

書架上牙籤萬軸餘蕉風冷冷吹襟裾茶烟雀夢午陰
初此時蕉影長且紆或坐或臥意遶遶蕉心甘露秋泉
如忽綴金盤滴瓊琚一飲大地如飲儲腐儒橫經厠石
渠且書蕉葉待吹噓

都門送友人歸里

我來長安十回月寒廬蕭瑟對城闕曼倩忍饑盜無米
馮唐老去頭如雪更逢冬日號天風閉戶蝟縮土室中
布被殘綿眠不得兩脚卷曲僵成鐵憶昔家園坐南軒
背負晴暄聳兩肩薄暮還房燕爐火妻兒笑語青燈前
今朝長安墜牖戶僮僕蕭蕭冷相顧霜風厲發裂窓鳴
敝裘趺坐欲誰訴那堪寒天忽送君落木叢中卷黃雲

君言謁選不得意歸家且作耕田計古道昏鴉落日陰
一鞭孤影度霜林遙遙客路三千里計君歸日歲除矣
稚子迎門喜牽衣椒盤獻酌梅花裏梅花此去開正好
從來春色江南早未歸獨有老伏生江水茫茫百慮盈
見說歸人明日發此時此際不勝情

春日

上駐蹕南苑閱武行蒐禮召廷臣恭視賜宴行宮各賦
五七言律詩五七言絕句每體一首應

制

春狩臨南苑旌旗蔽翠微鄒枚隨曉仗賁獲合前圍
葭苗知仁育弦開識武威回鑾宴長樂飽飫 王恩歸

假寓二首

客子投栖晚無心選勝遊偶然逢邃壑兼喜接名流石
罅天然洞陰濃夏日秋難將虎頭筆畫作古滄洲
平生山水性片石亦留連對此幽栖地方知別有天琴
書皆雅飭几榻本清妍不是漁郎誤桃源未許傳

送孫斐臣學博之官公安

薄宦羈君久誰憐苜蓿盤朔風動燕市客思繞江干雁
過衡陽遠人歸薊北寒馬融臺尚在好與擷湘蘭

畫竹

食肉何嘗俗逢君卽灑然蕭齋風雨夜隱几北窓前翠
引龍孫滿苔憑鹿角穿相過應有客姓字不須傳

送蕭三式還楚

倦客歸程遠春風問渡船玄狐經簡點白鶴羽蹁躑道
重憐知己家貧賴俸錢子規啼不住人在楚江天

種花

亦有園林興初移幾樹花分行無次第培土護萌芽細
蕊朱欄放微陰翠幕遮喜將蜂蝶至風日闌妍華

送吳園次郎中出守湖州二首

茗溪風景異羨爾駕朱輪到日鶯花好隨車麥雉馴鳩
聲官閣雨槐影訟庭春金壘他年賜方知太守貧
歲晚禁城寒鳴鑣出紫鑿香猶留粉署霜已被雕鞍賔
從魚租宴兒童竹馬懽五湖烟水綠人在鏡中看

廣南飲線將軍園

行盡天南路名園此地傳山光團畫閣樹影倒晴川竹
裏歌喉慢花間舞袖妍將軍真好客不醉肯言旋

驛亭對雨

冥冥一夜雨杳杳萬山昏水失前谿路烟迷下嶺村鳥
聲何處濕花淚昨宵痕相對愁逾劇空教酒滿尊

方舒來赴廷試舉第二人賦以志喜

漢庭經術重稽古得桓榮賦獻彤墀近文迎玉輦清諸
生瞻睿穆始進動公卿何異天人策名高五百英

遊靈泉寺

經旬慵出郭節候已黃梅有約期遊侶隨人信步來鶯

聲流柳浪筍勢坼莓苔日落不知晚尋幽肯遽回

課壻

尚有談經典關心壻郎兒楚騷司馬賦漢史杜陵詩自是君家事偏縈老大思青冥期正遠休說上書遲

南苑閱武賜宴應制

條風振旅出長楊鳥陣橫雲十里張芳草帳前流日羽落花影外逐星狼宸遊豈戀從禽樂侍從何勞諫獵章自古敷文需訓武垂裳從此祝無疆

壽心南伯

草堂春暖日遲遲杖履花間事事宜樵豎晚烟歸野唱耕牛初雨起朝犁床頭甕熟新成酒竹裏香生勝采芝

見說地行仙不少吾家今亦有龐眉

十年乞米滯長安故里迢遙入望難書到喜聞仍健步客來隨意有交歡榮親虛捧毛生檄猶子誰稱謝樹蘭千里一觴無可獻全憑筆墨勸加餐

郊祀以

太宗配饗扈

駕恭紀

袞衣親御五雲輶詠蕩天門散曉烟仙仗徐開香氣合薰燎初上日華鮮千官隊肅垂鳴珮午夜齋嚴樂在懸碧落黃輿終古事尊親克配萬斯年

送郭臥侯備兵西寧

無端鄉思逐江流欲賦初衣去復留官舍何心耽歲月
庭柯引盼覺優遊貞同君子論交重臭比蘭芬託興幽
從此草堂人跡遠濤聲好送入扁舟

松山湖

家住湖干水接天春來草綠滿平川鷗鳧睡去晴空迥
荷芰香生斷岸連幾處垂楊明月上望中飛鳥夕陽邊
芒屨竹杖隨吾任怕說來朝入市廛

渡黃河和錢亦友韻

臨河真歎古人功九曲風濤一望中璧馬空沉歌瓠子
梯航遙集會王風千年北極趨神輿萬疴南天破渾濛
欲濟慚無巨舟楫中流鼓世讓誰雄

拜孟母

乾坤千古一慈幃特卸征鞍拜母祠厚幣儘堪供鼎養
斷絲原不爲榮時傳來當日三遷苦教得如今百世師
欲賦蓼莪何以報祇將長跪永兒思

孟子自刻石像跪
母墓今塑像亦然

和錢亦友天長道中清明韻

客路逍遙正可憐况逢寒食暮春天故園柳色舒新綠
野店鷄聲破曉烟望裏禁城雲五色沽來村酒直千錢
衰年無意趨丹陛期爾長吟歸去篇

雨中次亦友韻

晏起纔回昨夜醒新愁萬疊莽難平起看密霧遙林色
不盡浮雲游子情草閣深簾藏乳燕綠窻小樹滯啼鶯

黃梅時候多陰雨記得江南慣卜晴

長安候補八首次張文位韻

策對彤廷御墨香五雲珥筆賦長楊
天顏日近紆龍
袞紫綬輕拖出建章辭闕幾年歸路遠寸心千載沐恩
長重來闐闐趨躋地八月秋風作意涼

滿鬢秋霜七尺軀布袍短褐舊寒儒蕭條揚馬空門巷
焜耀金張塞路衢世上黃金交自結懷中白璧守常株
應須決計歸田里款段親從下澤驅

幾層紅葉滿秋山望裏霜催烟樹斑官舍風吹寒雁遠
故園人靜淚痕潛深慚黃菊淵明去且學金門曼倩閒
老驥祇應甘伏櫪御龍原自有天閑

寒暑天工各有分一班紅紫闢芳園東風著處渾難定
天路憑高未可捫空嘆歲寒彫後質誰憐瑟鼓向何門
霜寒月白秋風裏細聽鳴蜩繞砌喧

蕙蘭蟻合強和同看盡秋花又朔風客久徑疑身是夢
月明渾覺影都空閨中稚女應添齒別後衰顏漸似翁
且自典衣謀晚醉明朝鴻爪任西東

狗尾那堪更續貂虛誇黃穀石城橋告身遠納功名易
銅馬爭來意氣驕卜式有緣通選格馮唐無計轉官寮
讀書學劍都何用六博空成未得梟

曉日瞳矓接禁烟非甘辭祿戀歸田人情厭淡難投水
世路傾欹似躡天大海藏身應學蛻多方緘舌只寒蟬

誅茅擬辦隣精舍
棕笠蒲團好坐禪
三尺吳鈞徹夜鳴
山川何處訪豪英
平生劇孟徒杯酒
急難朱家摠薄情
愧乏千金堪報德
那堪四壁伴虛名
燈前撥盡寒灰筋
一夜栖烏繞樹聲

壽吳遜叟先生

文章江左著儒林
管樂才原擅古今
家世玄成傳舊業
詩編梁甫發長吟
偶然折角名流競
獨臥危樓湖海心
拄杖閒行思采藥
鹿門車跡白雲深

江上望九華

秋江風急亂帆催
九子晴峰望裏開
翠擁芙蓉千尺聳
天清鐘磬上方來
遙思幽徑通雲際
欲探靈巖隔水隈

攀陟有緣期
異日躡鵞須共老僧煨

送吳弱士授經歷陽二首

書生挾策指江干
春雨蕭蕭道路寒
問字履痕披絳帳
談經塵尾憶熊丸
人從東閣占星聚
詞捲河源簇錦瀾
慰我高歌青望眼
時時傳寄碧琅玕
嗟君尚滯祖生鞭
又去談經坐講筵
白髮倚閭秋雨後
綠雲當鏡曉窗前
春風欲放舒新柳
驛路初晴起暮烟
憶我舊時書劍客
孤帆江上夕陽船

馬觀揚座上看紗屏美人

銀燭清尊敞畫筵
青縑四壁擁嬋娟
山花斜髻粧成晚
翠袖凭肩態各妍
似肯憐人嬌未語
恰宜鼓瑟靜無弦

高唐有夢誰當赴一任燈前顧盼偏
奉使冊封舟行

楊子江平八月時孤帆萬里挂秋颼久慙劉向陪東觀
今學張騫使月氏新句應憑山水壯衰顏肯畏雪霜衰
會看絕域開金冊布得堯恩答玉墀

贈楚中制府張西曜

同趨仙仗直承廬日午花磚校石渠一自旌麾開節鉞
十年梁月憶金魚楚江蘭杜瀾芳澤細柳軍容照夢瀦
自喜輶車瞻紫氣故人結佩上塔除

黃鶴樓

世事滄桑幾變更樓傳黃鶴舊時名春風鸚鵡年年樹

秋月晴川夜夜明仙島自來還自去白雲無定亦無情
登臨只合頻携酒醉倒樓頭日影橫

大雪度熊羆嶺至祁陽

雪裡千峰列畫屏山山水水不勝情天高鴻雁書難寄
人度熊羆嶺亂橫怯凍馬蹄僵欲墮沾雲鳥跡去偏輕
遙亭知是祁陽道傳語征夫前路平

出關遇雨二首

迢迢征節欵關開風雨迎春洗瘴埃草木馬前生氣色
旌旗霧裏隱雲雷却憐寒食江南近此日王程異地催
慚愧老夫乘傳遠可堪草檄上林才

龍章親捧到交安驛路瀟瀟瘴雨寒歌舞百蠻迎玉節

蹕跚馴象引行鑾
銅標久自通
虞舞越貢何勞奉
漢冠
共慶車書歸一統
旌麾到處盡騰懽

賦贈安南國王

聖代要荒瀾六服
南方雨露溢三春
山川輝映霓旌遠
父老懽迎玉節親
職列周官知政古
文同漢制識風淳
萬年永篤天家好
奕世長霑濊澤新

太平郡舍走筆贈高太守

天南春色一何早
二月東風滿地花
燕啄新泥晴隴上
鶯啼暖樹野人家
榕陰碧蔭庭前水
菜紅蒸天半霞
恰喜風流遇高適
酒闌吟到日西斜

巳酉三月十九日

上御保和殿宣傳作字恭賦二首

彩毫廿載賦登瀛
浪得山陰獨步名
已愧籠鵝傳里巷
那堪飛鳳出承明
登床寧敢思劉洎
正筆徒知慕柳卿
章草醉顏何所事
聖朝原不愛縱橫
刻溪玉版拂明光
濡筆親霑御墨香
咫尺龍顏舒袞袖
殷勤天語誦琳琅
傳來洛範千年瑞
譜出幽風七月章
慙媿儒臣難報稱
惟將無逸勒堂皇

暮春

每思丘壑縱天真
臥看青山到眼新
一自草堂縈別夢
兩經客舍送殘春
花開紅藥晴欄暖
簾捲雕梁乳燕馴
惆悵欲歸歸未得
東風無事不愁人

壽子倫叔

竹林曾許仲容賢風雨連床憶昔年書到解時多得意
文逢樂處輒談天光陰忽訝頭如雪懷抱應憑酒似泉
海鶴緜笳原不遠春風隨地足留連

喜穆卿叔館與予隣

芸窻幾載共昏晨荏苒于今四十春竹馬不堪思往事
絳紗猶喜接比隣須知古調難諧俗肯信春風好坐人
寂寞蓬門纔咫尺過從莫厭杖藜頻

送梁玉立大司農視粵

百粵提藩舊錫封承恩新許乞明農如綸紫誥來天上
曳履尚書下九重旌旆洞庭雲渺渺馬嘶庾嶺草茸茸

寄言諸將平南者 聖眷千年勒鼎鐘

南溪春遊卽事

扶筇偶爾到溪邊春色今年勝昔年水漾花光紅到酒
風飄柳線碧於烟佳人繞徑排歌席公子臨流列舞筵
漫笑衰翁猶逐隊與來亦有杖頭錢

南苑閱武 賜宴應 制

皇風昌景運耀德復觀兵新製饒歌曲相如在漢京

南苑閱武 賜宴應 制

迴戈細柳三驅斂張樂長楊萬舞同 聖澤不教空獻
賦玉盤賜出未央宮

陰雨

宿雨連朝催暮春芳菲上苑綠如新可憐昨夜殘紅點
化作行人襪底塵

宿暮雲舖

暮雲朝雨近巫峰野店傳來舊楚宮今夜月明千里夢
高唐何處是行蹤

贈吳守戎致遠

多君俠氣射凌烟腰繫吳鉤送我船此地昔人誰最著
須教名共伏波傳

入安南境百姓聚觀如堵喜賦三首

萬里絲綸銜 王恩蠶叢闢處百蠻喧千山草木皆呼
祝此日方知中夏尊

蠻叟蠻童夾路排爭看使節自天來不知傍險衝泥苦
和雨和風笑口開

慚愧當年賦子虛爭來覲面問相如而今已病文園渴
霜雪蕭蕭鬢影疎

廣州觀競渡二首

海南五月競龍舟綵仗朱旛激浪遊倒影纔從天外落
爭標已過水西頭

笳鼓齊鳴發權謳天迴地轉彩雲流風前白苧人如玉
十二群仙樓上頭

萬傑如觀察席上口占贈歌姬明珠

誰道瑤臺有碧仙輕移羅襪向人前可憐一點櫻桃口

過任行雲墮舞筵

次日舟中送別明珠携其妹琪珠同至戲贈二首

正對清尊黯別筵歌聲忽踏兩嬋娟只緣南浦一枝柳

現出瑤池並蒂蓮

愛爾同稱傾國姿清歌非竹亦非絲一聲白雪迴風處

兩箇黃鸝喚柳時

秋日訪方元祉山莊二首

林深未許夜霜摧日午柴門尚不開黃葉一聲山犬吠

草堂知是故人來

二十年來滯宦遊還山霜雪已盈頭故交相對無多在

話到燈殘醉亦愁

吳季賜

字予翮號遜叟萬曆中諸生父工部青芝公

歷宦中外公折節稽古不以門地驕人于世俗田宅輿服僮僕之好一無所與里中統袴兒見之輒自失也崇禎時流賊寇江北桐岷且殆公倡議繕備固圉所畫策王者多採擇之又捐木數百株為城守捍禦之用危城賴以保全性剛介不肯骫骳隨時小不可意輒義形于色遇人有急難傾身營救雖貴顯疆有力者弗避也順治初少司馬恭庭黃公招撫閩浙以別駕辟參軍事辭弗克為之訓組練飭戎伍甫告成事即引退歸隱南陔草堂年八十一卒學者私謚文介先生公自編所作詩為內外集仲子龍雯鈔輯成帙謀授諸梓而屬予序之其他如筆舌錄歲功解翻切縱橫圖瓌錄諸書皆未刊藏于家

古松

巖前有蒼松迥出千山外蜿蜒老龍鱗飛偃仙軒蓋亭
亭雲端倚凜凜歲寒耐問壽已忘年閱人不知代惟有
竹與梅乃是同心派鄙哉瀉池君大夫豈所愛

湘竹杖

我行君共行我息君亦息昔染妃子痕今為幽人掖常
恐化作龍思鼓垂天翼風塵何可投願與君長逸

紀事

崇禎己巳年西秦劇寇作攻城城即陷掠野野全索國
家久承平兵力苦單弱豈不揚天威莫敢當其斯乙亥
犯吾桐吾桐慘更博盤踞十年來僅存一空郭吠畝生
荆榛室廬歸炬燭芻牧無牛羊林木巢燕雀重以歲洊
饑民不得耕鑿朝庭赫然怒重加武功爵武人雖鎮桐
禦寇全無略祇有一長技能為民之蠶群兇盡三獸羅
喉尤肆虐羅九武虎噬而犬信旦暮恣攫搏遺黎攫其鋒

給垣暴其惡天王下嚴旨跋扈仍如昨蟻賊陷北平放
勳乃殂落 新朝雪大仇兩都歸安樂一朝發王師群
弁始就縛藁首長安街天網洵不錯巨憝既已誅萬姓
乃刈獲

哭哲孫

耄年有愛孫名哲實亦哲五歲便讀書頗與群兒別暮
從塾師歸所讀竟能說親朋向我言君家有汗血何期
天嫉予一朝成永訣傷哉淚眼枯忽然妄想結願汝作
非熊再來顧况宅

香櫟

畜君經廿載茲秋方結實離離綠葉間數之已盈百異

音耶 居牙老四十四
芬習習生宛然闢員璧味踰澤蘭清嫩類黃金色幽人
恰相宜護惜敢遺力寧使老枝頭一顆未許摘來賞不
辭頻爲問門前客

邪許行

崇禎初
年作

古亦有三征非其時不趣所以歌子來趨公固所欲今
也殊不然遑顧民謗譁正值畝畝時驅之運皇木入山
不厭深採取不知足大者數十圍次亦十數握廬舍遭
之圯禾苗遇之禿况逢陽九天雨貴于珠玉十有八九
家尚不得新穀天災旣流行國事旋追逐哀哉雲漢吟
儼然長城哭相率阡陌間合力爭輓轆何以若呼天邪
許聲相續間欲少息肩撈咎不勝酷壯者削肢骸羸者

填溝瀆水陸不流行道路各以目墨吏藉爲資仁人對
之頗疇敢訴此情怨誹藏在腹問需此何爲新構海天
舳指日千艘成出師征不服賊平未可知先刈蒼赤肉
額外幾番征多見妻孥鬻民勞財復傷粟死金亦縮江
北與江南無地是逃竄似此苦頻臻九重知之不誰爲
獻此謀恐非國家福

量田行

旨下清町曠志在防隱匿本欲便黎民反以資貪冒量
洲巴弗堪量田胡又逼堂上虎而冠冷面無慈色押保
數千丁動則揮三尺惟日肆誅求奚但不憫恤設名旣
多端派費復不億猾胥飽其囊神奸振其翼嗟茲受毒

人徒然長太息非無士與紳敢怒不敢啣賴有隣國賢
怨恨所不惜秕政歷歷陳卓哉二千石雷霆一朝施必
欲鋤鬼域鄰人且若斯慚愧吾桐邑胥吏心膽驚釀金
求大力大力者誰歟卽是楚中棘極稱立法良極詆上
書慝太守惑其言前怒突焉釋雖然格不行大義昭如
日連年吾鄉民南畝儉收獲金死粟亦艱安能加此役
此役本非難故張燭與弋群口旣以箠九閭叩不得

問魯南禪師

說法四十年究竟沒一字傳地幾惺惺學人亦昧昧襲
得口頭禪便稱天童嗣龍象位久虛可以發長喟魯南
飛錫王屋山鉗錘一震群魔避我雖未登獅子臺却似

親承一喝來請君立仗三尺鐵爲我劈開三支訣

絡緯娘

絡緯娘韻悠揚夜漸涼漏漸長千般辛苦萬般忙絲絲
縷縷經妾手未知可是妾衣裳無端思想富家娘此時
高臥夢魂香夏服輕綃冬夾襖十指何曾到緝筐

仇孝子行

我聞昔有歸孝子聲名徧滿江南耳至今我見嚠城人
說來字字芬口齒孝子年方總州時刲股救親親不知
不圖今有仇孝子至性奇情髣髴之孝子年甫一十三
百家諸子恣奇譚胷中尤明孝經理云是六經之精髓
晨昏不廢蓼莪篇誦到劬勞卽淚漣母氏疾厄已垂危

上告蒼天下祖祠四大假合吾何有以身報親惟恐後
聞說割股起沉疴果然此事不傳訛吁嗟乎仇孝子何
如歸孝子後先掩映如同里又聞刺血寫諸經韶年便
欲了生死君是衆香國裡人視死如生生如寄既報母
分恩又欲安貞父應地若得父母同上百年觴已則滅
筭亦何傷

贈其仲美硯工

端溪豈乏坑中紫不遇良工不肯起皖上有翁出舊家
少厭詩書樂爲此游亦何曾儼宋唐左之右之無不是
能使楊妃殿上擎可供逸少池邊洗區區庸手胡能爲
後人追稱其仲美

從弟士衡招飲

無事攤書帙經旬好閉關只茲十笏地收盡四時山小
酌閒雲繞孤吟宿鳥還少焉生片月靜照綠蘿間

卽事

小龕聊借榻恰好對清江新竹青千箇輕鷗白一雙遙
汀雲在樹靜夜月窺窻獨坐無人到門前有吠龍

臘月十四日大雪

雪待殘冬降瀾空剪玉翎遙看千里白肯放一峰青梁
苑人爭賦山陰權不停夜闌猶未住好向枕邊聽

江干晚步

晏坐江臯上乘閒望遠空樹迷西落日雁逗北來風沙

白知潮滿田青十歲豐衡門無限見未許市朝同

程清臣移居

十笏藏居士秦淮有隱淪鶯從幽谷度燕入草堂新禪
誦同摩詰招尋只許詢龍駒知不遠早貯甕頭春

風阻網埠同舟中人坐石上曝日

風阻章江路危巖且負喧呼童收野蛤對客煮清尊停
櫂雖荒汊徵名是網村買魚錢不惜落得度黃昏

雨窻雜咏二首

疎窻旋掩又旋開為待尋香蛺蝶來明月舊年留笛步
春風幾日別琴臺最憐燕燕空貽盼浪許鶯鶯只姓崔
柳七填詞千古恨樂遊原上塚成堆

夢逐梨花片片飛欲餐秀色怒如饑玉奩十樣消眉暈
金縷三年歌舞衣妾命分隨霜葉薄郎心不勸杜鵑歸
要知裙上榴花濕只驗腰肢一捻微

登投子山有感

投子門庭法乳濃燈傳數代照禪宗鳳巒投子一誤認

牛眠處鷺殿翻為馬鬣封唄寂香消增永嘆拈椎豎拂
欲重逢不知誰是飛空錫山頂依然報曉鐘桐城入景投子曉鐘

其一也

閨思六首

粧成自恨語誰知度燕翻鶯二月時妾有寸心憐薄倖
郎無尺素慰相思蘼蕪路曲王孫草楊柳江頭估客枝

十二闌干凭倚遍楚腰細細步行遲

涼夜星河耿碧紗尋郎無地夢中賒小姑羞佩宜男草
三婦常栽解語花班去趙姬升漢殿曲傳簫史傍秦家
相思飛鳥離離樹千里偏傷狹路斜

抱瑟高堂錦帳前依依楊柳大堤邊傾城女子憐才士
戲馬將軍挾少年塞北九秋傳帛雁江南五月采蓮船
莫看榆葉蕭蕭下不數河間姹女錢

弄生蘭渚濕羅幃碧玉呼來是小姬打散鴛鴦傷妾意
教成鸚鵡咏君詩白門草色秋中落紫塞箏聲月下遲
縱說化身生比翼摠難飛去別巢枝

瑤室深夜弄笙篔不信人間有素秋豆蔻結花緘遠恨

芭蕉經雨動新愁十年畏寫相思字七夕難登乞巧樓
未嫁許多調笑事至今珍重玉搔頭

舊曲何戡一唱彈雙桐搖落井邊欄剖來魚腹全無字
望去刀頭那有環漫說使君留寶枕不聞神女過巫山
高高別院空回首璧月流蘇帳底看

美人織手

春滿園林水滿灘織織玉筍撫雕闌閒遊笑把花枝弄
乘興長携瑤軫彈新學錦文毫屢禿舊裁羅袂腕猶寒
有時挽動鞦韆索贏得人人馬上看

美人蓮步

風捲羅裙露半叉行來逐步是蓮花纖纖微覺雙鈎褪

音耶 居承名四一
曲曲偷看三寸斜動有香塵隨繡幕影如片月印金沙
當年掌上頻飛舞寵占昭陽第一家

歸里奠亡妻攢室

安仁淚盡悼亡篇自昔相從三十年別去香闥經一紀
歸逢寒食酌重泉樂昌流落空留鏡弄玉逍遙獨證仙
片片飛花爲隕涕化臺何日卜新阡

金陵懷古

憶昔樓臺眴彩霞六朝濃艷此爲家春回尚記門前柳
雨散都成陌上花桃葉渡邊驚牧馬石頭城外數歸鴉
如何白首梁江總偏向青溪弔麗華

江南山居雜咏八首

也溷山樵也溷漁寄身蘭若卽吾廬逃名不屑留竒字
醫俗多方讀道書泉近山腰瓢滿貯竹穿石脚笋斜舒
幾番曳杖孤峰上陸地仙人訪玉虛

尋幽踏破幾芒屨荷鍾隨行死便埋日月雙丸驚野馬
鼓吹兩部奏鳴蛙壯年不用標銅柱短髮無勞挂玉釵
散聖安禪君識否拈花微笑是生涯

沈寥息籟敞高旻遙揖青山晤大賓羞與柳榆營市儈
摘來笋蕨數家珍琴方挂壁神先韻酒未傾尊氣已春
冷暖自知根底事方袍圓頂是前身

小歇團瓢也自安臨流偶爾一投竿楊花吹雪魚廻影
梅子成丸雀避彈閒拉僧雜談白話獨携漁鼓著黃冠

倦遊何用歸來卧風月無邊任飲餐
紗窻依約展紅蕉睡起渾疑是隔朝試熱鵲爐挑宿火
旋烹龍井汲新潮臨摹幾幅斜行字潦倒三杯獨酌謠
木榻布衾粗供好隨緣自遣也逍遙
禪關無鎖倩雲扃曉病新醒對石醒擊水拋開斑竹杖
惜花密繫鍍金鈴因忝半偈巾忘脫爲數前峰屐且停
二六時中捐罽碍千株松下聽傳經
鬚眉如許尚沉淹心事難禁火宅炎背水墨兵衝趙壁
憂時綠鬢點吳鹽何年去訪青溪鶴有日相從白玉蟾
貧病兩般皆證道幾人到此不矜嚴
那堪消得一青衫文字雖腴不療饒綺語自知淪慧業

清名只合署空衙陽翻蓋甕餐香鉢上却仙舟渡石帆
失利文場非戰罪也看頭角換巉巖

讀書

不爲兒孫作遠謀且從鉛槧伴春秋南華隱吏篇中訣
西竺先生心內求剪燭還能看小字藏書最喜在高樓
人言此老真前業浪學當年衛武侯

宮怨二首

自入深宮裏頻年未沐恩生來是薄命何必泣長門
殘粧重複整龍腦幾回燔侍女忙來報羊車已過門

采石謁青蓮二首

百篇斗酒動天顏青鎖彤墀談笑間豈爲永王輸一死

謫來不肯久塵寰
漫言飛燕語招尤
委地芙蓉到底羞
不惜名花酬彩筆
憐才天子自風流

讀天寶遺事

尋常一樣兩催花
不灑楊花灑李花
羯鼓又催花欲落
幾番憔悴爲楊花

弔岳武穆二首

稱姪稱臣詞太哀
吾君吾相志全灰
書生已透安危計
不待金牌十二來
大讐不報轉爲恩
枉有刀頭飲血痕
試問九哥知悔否
重泉何以對忠魂

隋煬帝

武略已侔陳後主
文情不讓魏思王
元來喪國亡家者
也入宏詞博學場

賦得踏花歸去馬蹄香

寶勒紅韁白玉題
百花叢裏踏香泥
醉歸好趁斜陽路
蛺蝶雙雙逐馬蹄

春閨二首

春來春去已多年
惟有今年恨獨綿
不識梁間雙燕子
可能銜字到天邊
曉來不顧鬢髮鬆
且上高樓看落紅
却訝何人爲掃盡
侍兒報道五更風

闈思

為憶征人獨上樓白雲一片望中浮不知君在關山外
可有高樓望故丘

明妃

漢皇薄倖嫁蛾眉老死焉支無入期安得阿瞞交誼重
金錢不惜贖文姬

上堂僧

學得機鋒幾句言逢人便說是宗門任教棒子紛紛下
豈是天童嫡子孫

首夏送幼子章儒歸里

春風纔去送兒歸一路楊花點客衣不似灤州廉郡守

猶持匹絹給吳威

昭君

生前注定□□婦敢怨君王輕棄儂薄命幾人還似我

後來何苦炎花容

秬歸縣有昭君村村人生
女悉以色選必炎其面

皇民孔維卷之四



音
印
屈
雅
卷
四
一

書